



TOP-UP & WIN YOUR DREAM CAR



TELKOM PNG
Always Here!

Worth of K25,000 every month
*Check Instore Posters for more details

24/7 Customer Care: Call 345 6789 or www.telikompng.com.pg

Follow Us on **DOOMER**
16000000

1 TOEA SMS

Salin wampela SMS long 3 toea namel long 10pm na 7am olgeta dei. Digicel ign long Digicel taim!



Namba tri taim. Praim Minista Peter O'Neil, wantaim namba tu bilong em Belden Namah i tok amamas long Ekting Gavana Jeneral Jeffery Nape long sainim ol gen long namba tri taim olgeta long Gavman haus long Konedobu long Trinde dispela wik. *Poto Nicky Bernard.*

EM TAIM BILONG KEMPEN

18 Me - 22 Jun

3

Wiks moa ...



ELECTORAL COMMISSION
Papua New Guinea

2012 VOTE LPV

O'Neill – PM namba 3 taim

Aja Alex Potabe i raitim

MEMBA bilong lalibu-Pangia, Peter O'Neill, i kisim luksave olsem Praim Minista bilong Papua Niugini bihain long 56-pela memba i votim em namba 3 taim.

Taim 3-man Suprim Kot bens o sia i bin painimaut

olsem Gren Sif Sir Michael Somare em i tru tru praim minista bilong kantri, O'Neill-Namah gavman, husast i bosim Palamen Haus, i tok kot haus em i no ples bilong kamapim o rausim praim minista.

Aste 4:43 apinun, ekting Gavana Jeneral, Jeffery Nape, husat i makim maus bilong Gren Sif Sir Michael

Ogio, husat i go long Ingran (England), i luksave long O'Neill olsem tru tru praim minista bilong kantri.

Nape i luksave tu long olgeta gavman minista bilong O'Neill-Namah gavman. Nogat wampela senis i bin kamap long ol gavman minista.

I go moa long pes 2



Scan QR code
Join our Digital Tulei
www.digicelpng.com

Digicel
PNG's Bigger, Better Network.



SAPPHIRE SPRINGS

Naturally refreshing Mountain Spring Water at an affordable price!

330MLS, 600MLS & 1500MLS

Spring Wara long Maunten Stret!

TELE Apdeit

Citifon EasiPay TopAp
Baim EasiPay wantaim Citifon bilong yu

Citifon nau i givim EasiPay TopAp Sevis wantaim Benk Saut Pasifik (BSP). Long yusim dispela nupela sevis, kisim wanpela Mobail Benking Ap-likesen fom long Telikom Bisnis Opis o BSP brens klostu long yu long rejista.

Taim yu rejistaim Citifon na BSP akaun bilong yu pinis, bihainim dispela 5-pela isi step long baim easipay bilong yu.

Bihain long yu pinisim step 1, plis bihainim step 2 - 5.

Step 1 – Mita bilong yu

Taipim “Top” larim wanpela spes, taipim “Easi” larim narapela spes na taipim “hamas yu laikim”.

(Olsem. Top Easi 10)

O

Step 1 – Mita bilong narapela

Taipim “Top” larim spes, taipim “Easi” larim narapela spes na taipim “Mita namba” larim narapela spes na taipim “hamas yu laikim”

(Olsem. Top Easi 98275 10)

Step 2

Salim teks mesej i go long 16288

Step 3

Mobail Benking bekim:
Olsem: BSP 955xxx Requesting K10 TopUp for “Nem bilong yu” EasiPay Meter #. Reply with E123456 if Ok.

Step 4

Bekim i go long 16288 wantaim TopAp koud long tok oraitim EasiPay TopAp.

Step 5

Mobail Benking Bekim:
Olsem: “BSP 123xxx TopUp successful – 654321. Your K10 EasiPay Token is 22172512053000969 for 13.6 units.

Tingim: Olgeta gutpela Easi-Pay TopAp i gat wanpela risit namba (Olsem.654321)



Moa meri i sanap long 2012 nesenel ileksen

OL meri long kantri i wok long kisim strong long sanap resis wantaim ol man na go in sait long haus tambaran na kontribuit long wok bilong mekim ol bikpela disisen bilong kantri.

Nesenel ileksen 2012 i lukim moa meri i sanap na winim mak long 34 moa long mak i bin sanap long 2007.

Nau ileksen i lukim 135 meri kendidet long olgeta hap bilong kantri i putim han

bilong ol i go antap long go long resis na makim pipel long bikpela haus palamen.

Ilektorel Komisina Andrew Trawen i tok taim ol kendidet i pinis long nominet o putim nem bilong ol long sanap resis long las wik Fonde, opis bilong em i bin rekotim 3,435 kendidet man na meri wantaim. 2007 nesenel ileksen i bin lukim 2,910 kendidet i sanap resis, na 101 i bin ol meri.

Dispela em i bikpela mak winim ol narapela 8-pela taim PNG i holim ol nesenel ileksen long en.

Mista Trawen i tok moa meri long mak bilong 56 i bin rejistaim nem bilong ol olsem ol kendidet long sanap resis long 2012 nesenel ileksen long Sauten rijen. Momase wantaim 30 meri kendidet i kamap namba tu, Hailans rijen i kamap namba tru wantaim 27 meri kendidet na

long Niugini Ailan rijen, 22 meri i nominet olsem kendidet long 2012 ileksen.

Long 22-pela provins long kantri, Enga em wanpela tasol i no kisim wanpela meri kendidet long sanap resis long namba 9 nesenel ileksen.

Mista Trawen i tok Hailans rijen i bin rijistaim moa kendidet long mak bilong 1,388 na dispela i winim ol narapela rijen. Sauten rijen i

kamap namba tu 896 kendidet , Momase rijen i gat 824 kendidet na Niugini Ailan i kam las wantaim 328 kendidet i nominet pinis long ron long nesenel ileksen.

Maski 22 risev sia i no bin go gut, ol meri i no bisi long dispela, tasol ol i traim strong bilong ol long putim han bilong ol i go antap na go in-sait long resis we pipel yet bai givim vot bilong ol o nogat.

Brandi t-siot pulim birua long Kubalia sumatin

Paul Fuzo i raitim

MAMA bilong wanpela mangi sumatin i skul long Kubalia Sekenderi Skul long Saussia LLG i singaut strong long ol edukesen atoriti long Is Sepik provins long lukluk na givim mekimsave long ol skul we ol sumatin bilong ol i wok long kamapim birua long ol sumatin bilong ol arapela skul long provins.

Dispela mama, husat i no laik tokaut long nem bilong em, i tokim *Wantok Niuspepa*

long Wewak olsem pikinini man bilong em, husat i save skul long Kubalia Sekenderi Skul, em ol sumatin bilong Bishop Leo i bin paitim nating na givim bagarap long em long las wik Sarere, ausait tasol long Wewak taun maket.

Mama ya i sutim tok long ol papamama insait long taun, husat i no save gat taim long sindaun wantaim ol pikinini bilong ol na skulim ol long pait long kisim save na i no pait long narapela sumatin nating long taun, na soim masol bi-

long ol long ol gelpren bilong ol.

Em i tok Bishop Leo Sekenderi Skul long Wewak, em i misin skul, tasol pasin bilong ol dispela sumatin i soim olsem Bishop Leo Sekenderi Skul i wok long kamapim ol raskol bilong bagarapim Is Sepik provins long bihain taim.

Em i tok skul administresen bilong Bishop Leo i mas kamapim wok painimaut long ol dispela bikhet sumatin husat i wok long paitim nating

ol arapela sumatin bilong ol arapela skul, na mekimsave long ol bai ol i senisim pasin bikhet.

Wantok Niuspepa i bin stap tu taim dispela hevi i bin kamap, na i painimaut olsem dispela pait namel long ol sumatin i bin kirap tupela wik i go pinis, namel long ol sumatin bilong Brandi Sekenderi na ol sumatin bilong Bishop Leo, bihainim bikpela inta-hai skul kanival long Maprik.

Wantok Niuspepa i painimaut olsem moa long faivpela pait i kamap pinis insait long Wewak taun, na sampela summatin i kisim bagarap pinis. Tasol ol skul atoriti i no mekim wanpela samting long traim bringim wanbel namel long ol sumatin bilong dispela tupela skul.

Birua we i kamap long dispela Kubalia Sekenderi Skul sumatin em ol Bishop Leo sumatin i lukim dispela mangi i werim skul t-siot bilong

Brandi, na ol i ting em i wanpela sumatin bilong Brandi, na ol i paitim em.

Planti mama bilong ol pikinini i save skul long dispela tupela skul i pret, na no laik ol pikinini bilong ol i raun long Wewak taun. Wanpela papa i tok, Is Sepik provins bihain taim bai no inap kamapim ol gutpela saveman na lida, sapos ol yangpela skul pikinini i go het long bihainim dispela rot bilong kamapim ol bikhet pasin namel long ol yet. Em i tok, administresen bilong dispela tupela skul na provinsal edukesen atoriti i mas sindaun wantaim na adresim dispela hevi namel long ol sumatin bilong ol na kamapim bel-isi, em i tok.

Pait namel long dispela tupela skul i bringim tu ol liklik skul olsem Sen Mary's Mongial na tu, ol yut long setlemen i sapotim na dispela bai ken kamapim dai sapos ol atoriti i no stopim hariap.

i kam long pes 1

O'Neill - PM namba 3 taim

Aste 16-pela gavman minista tasol i kisim luksave bilong Het ov Stet bikos planti i mekim kempen i stap long wan-wan ilektoret bilong ol.

Gavman bilong O'Neill i strongim sait olsem Palamen em i ples bilong kamapim na rausim praim minista, tasol ol i luksave na bihainim disisen bilong kot taim eking Spika Francis Marus i tokaut hap aste olsem sia bilong praim minista i stap nating.

Dispela kot oda i bin kamapim sia bilong praim minista i stap nating, bikos palamen i bin rausim Is Speik rijinel sia bilong Sir Michael long Disemba 12 las yia, na em i no moa memba bilong palamen.


“Aninit long Seksen 104 (2) (d) bilong Mama Loa, em i nonap long kamap praim minista bikos em i misim 3-pela sindaun bilong palamen. dispela i minim sia bilong praim minista i stap nating nau,” Marus i tok. Olsem na aste 56-pela

memba i votim O'Neill namba 3-taim gen long kisim dispela sia bilong praim minista bikos palamen tasol em i ples bilong kamapim gavman, rausim gavman na kamapim o rausim praim minista tu, i no long kot haus.

Planti manmeri i bin ting Memba bilong Vanimo-Green, Belden Namah, husat i deputi praim minista bilong O'Neill gavman, bai rausim O'Neill na kisim kisim sia bilong praim minista.

Tasol Namah i nominetim O'Neill long kamap praim minista gen aste 12-kilok long Palamen. Tresara Don Polye i sekenim dispela nominesen na Petroleum na Eneji Minista, William Duma, i pasim nominesen.

Bihain long en, 56-pela memba i pasim olgeta vot na makim O'Neill kamap praim minista long was na putim ai long dispela keteka gavman insait long dispela 6-pela wik tasol.



19 Tausen balot bokis i kamap pinis

Nicky Bernard i raitim

19 TAUSEN ol nupela na strongpela balot bokis i kamap pinis long kantri.

Dispela em namba wan hap long 30-tausen balot bokis olgeta we ol bai yusim insait long dispela 2012 ileksen.

Sikspela kontena olgeta i karim dispela 19-tausen balot bokis i kam, na nara-pela hap bai kam, klostu taim.

Dispela nupela balot bokis ol i mekim long Saina, na i narakain olgeta long ol bipo balot bokis yumi yusim long ol ilek-sen.

Bipo, ol balot bokis, em

ol kapa balot bokis.

Nau, ol dispela nupela balot bokis, em ol i mekim long plastik, na em i klia bai yu ken lukim ol pepa insait.

Balot bokis em i strong-pela moa, na i gat faivpela hap bilong lokim.

Dispela 19-tausen balot bokis bai lusim Mosbi long dispela wik na bai go aut long ol pels we rot bilong kisim i go bai hat liklik. Ol ples olsem Enga, Milen Be, Westen, na Wes Sepik bai kisim ol pastaim.

Mani-mak bilong dispela nupela balot bokis em tri milian, na olgeta dispela 30 tausen balot bokis ol i mekim long wanpela kam-pani long Saina yet.



Illektorol Komisina, Andrew Trawen wantain ol nupela balot bokis bilong dispela ileksen. *Poto: Nicky Bernard*

THE LARGEST CASH GIVEAWAY IN PNG'S HISTORY

COMING SOON

So Get Ready!

Find Us On



Refer to our website for full Terms & Conditions.

Niupela Maggi MagicTeist

Wanpela kain kuking pauda

Bai givim **BEST** teist long kainkain kuk



Wanpela meri i sanap long Bogenvil gavana sia

WANPELA meri Bogenvil i stap insait long resis wantaim 12-pela man kendidet long Bogenvil rijinel o sia bilong gavana long 2012 nesenel ileksen.

Magdalen Toroansi bilong Sentrel Bogenvil husat i bin memba bilong namba wan Otonomes Bogenvil Gavman (ABG)na tu, wok wantaim PNG Foren Afeas long planti yia i wanpela meri

tasol husat bai ron long salens bilong kisim top sia bilong gavana long dispela ileksen.

Fidelis Semoso i holim dispela sia inap long 2012 nesenel ileksen i ron.

Bogenvil i gat 4-pela meri i sanap long resis long nesenel ileksen we i go het nau.

Not Bogenvil i lukim tupela meri i sanap long dispela

ilektoret na resis wantaim 18-pela man .

Wanpela em biknem meri lida husat i bin wanpela memba bilong ABG em Francesca Semoso na narapela meri moa.

Narapela biknem meri lida long Bogenvil na PNG, Theresa Jaintong, i sanap na resis wantaim 21 man long Sentrel Bogenvil sia.

Pawa i stap nau wantaim

ol man n a meri long skelim na glasim ol meri wantaim ol man pastaim ol i givim vot bilong ol.

Planti pipel i tok ol i lukim ol kain samting i no stret i kamap wantaim ol nau lida bilong namba 8 haus palamen na em i taim nau long tingting gut tru long makim ol gutpela na strongpela lida bai kamapim senis na kisim sevis i go long pipel.

Ranim klinpela kempen

SINGAUT i go long olgeta kendidet i resis long 2012 nesenel ileksen na ol sapota bilong ol long ranim klinpela kempen bai no inap long bagarapim pipel long kain laip ol i stap long en bikos planti pipel i stap long ol rurel komyuniti i sot long ol samting yet.

Numana Kila i wanpela praivet loya husat i resis long Rigo Open sit i wokim dispela toktok long Kwikila Distrik opis taim em bin go long nominet o putim nem bilong em long sanap long dispela ileksen.

Mista Kila i tok pipel i mas luksave nau wanem samting i bin go rong, as long dispela i kamap na watpo ol i no lukim gutpela developmen long ol distrik long las 37 krismas PNG i bin kisim

indipendens.

Em bin tok planti kendidet i save grisim ol pipel long ples na baim ol vot wantaim mani, kaikai na ol narapela samting bikos ol i no kisim gutpela skul.

Tasol em i tok histori i soim olsem dispela kain samting i no inap kamapim ol developmen bai helpim pipel long en.

Em i tok sapos pipel i no lainim wanpela samting i kamap pinis, ol bai go het long no kisim gutpela sevis i kam long ol lida ol i makim.

Long wankain taim, Mista Kila i singaut long judisari long gat gutpela tingting na larim pipel bilong dispela kantri i makim ol lida bilong ol na tu, husat bai kamap olsem praim ministra bihain long nesenel ileksen.

34 kendidet ron long Wewak sia

Paul Fuzo i raitim

WEWAK Open sia bai lukim 34 kendidet olgeta bai resis long em.

Nominesen bilong olgeta dispela kendidet i bin kamap gut wantaim nogat hevi we i lukim ol kendidet i bihainim stret Lo bilong kamapim fri na gutpela ileksen.

Long dispela wik planti kendidet i sanap strong pinis long karimaut ol kempen bilong ol; planti sapota na ol vota tu i bihainim ol kendidet long kisim mani na kago

long baim vot bilong ol.

I gat luksave tu i stap olsem sampela kendidet i yusim mani na kago long kisim sapot bilong ol vota na dispela bai asua yet long Wewak Open sia sapos ol dispela kendidet i winim resis. Ritening Opisa bilong Wewak distrik, Ricky Wobar i tok, em i amamas long lukim ol nominesen i kamap gut na em i givim bikipela tok tenkyu i go long olgeta kendidet na sapota bilong ol long soim rispek long loa bilong ileksen na dispela i soim rot bilong kamapim fri

na gutpela ileksen insait long provins.

Mista Wobar i tok tenkyu long ol ARO na ol sapot wokmanmeri bilong em long gutpela wok rere we i lukim nominesen bilong ol kendidet i bin pinis gut wantaim tok tenkyu tu i go long ol polis long lukautim loa na oda we i bin nogat trabol tasol wanpela kar husat i bin karim ol sapota bilong kendidet Kimson Kare i bin bungim birua long Chambri kem na wok jangsen rot bihain long em i bin traim long ova tek long narapela tupela

kar i ron pas long em na i bamim namba wan kar pas long em, tasol nogat man i kisim bikipela bagarap insait long dispela birua.

Planti ol sapota na vota i tokaut pinis olsem nau em i taim bilong baim vot na planti bai bihainim ol kendidet sapos kendidet i givim mani na kago long ol bilong wanem ol tok taim kendidet i winim em bai lus tingting long ol na go stap 5-pela yia long Mosbi, kamapim bisnis bilong em yet na lus tingting long givim sevis long ol pipel.

Planti yangpela resis long Manus Open

Nicky Bernard i raitim

MANUS provins i gat tupela sia tasol, na i save gat bikipela resis tru long ol long taim bilong ileksen. Dispela tupela sia em Manus Provinsal na Manus Open.

Dispela tupela sia, planti manmeri bilong Manus, husat i gat gutpela tingting na bikipela save, i laik resis long winim na kam long bikipela haus long Waigani.

Long dispela ileksen nau, planti long ol yangpela manmeri laik resis long traim ol lapun, husat i wok long resis longpela taim, tasol namba bilong vot bilong ol i wok long sot.

Wanpela yangpela man nau i putim han bilong em i go antap long harim krai bilong ol yut long Manus, em Rodney Pokapin. Em i save bringim ol yangpela Manus long kamap gutpela musik manmeri.

Em i resis long open sia.

Roney Knight em wanpela waitman, tasol mama i karim em, na em i mekim olgeta

skul bilong em long manus. Dispela pikinini Manus em papamama bilong em tupela i kam longpela taim long Manus.

Papa bilong Roney em wanpela Nevi long Manus. Taim em i pinis long Nevi, em i lukautim plantesen kokonas na stap olgeta long Manus.

Roney Knight i marit long meri Manus yet, na nau, em namba tu taim bilong em long sanap long ileksen. Namba wan taim em i bin resis, em i kam namba tu long nau memba, husat bai traim long holim bek dispela sia, Job Pomat.

Dispela resis long ol sia bilong Manus Provinsal na Manus open, bai gat gutpela resis stret, planti bilong ol dispela lain resis, bai wokbung wantaim long sait bilong kisim namba bilong ol yet. Dispela LPV sistem nau i mekim na planti ol kendidet bai wok wantaim long kisim 1, 2 na 3 long ol yet. Tasol wanpela tasol bai kamaut na sindaun long sia long bikipela haus long Waigani.

long O'Neill-Namah," Eluh i tok.

Taim dispela memo i kamaut ples klia, gavman i tok dispela disisen ol i mekim long putim gen Sir Michale Somare i no stret bikos kot i no mekim stretpela pasin.

"Sir Salamo na Jastis Kirriwom i wantok system na wansait long Somare bikos dispela memo i tok long pasit agensim mipela," Praim Minista Peter O'Neill i tok.

Polis sasim Injia na Kirriwom

Aja Alex Potabe i raitim

POLIS i holim Sif Jastis, Sir Salamo Injia na Jastis Nicholas Kirriwom las wik, na sasim 2-pela aninit long Seksen 54 bilong Kriminal Kod, tasol 2-pela i kamaut long on rekognisans beil.

Polis i sasim 2-pela aninit long Sedisen (Sedition) sas bikos 2-pela i no bin mekim wok stret, tasol wantok sistem na wansait long Sir Michael

Somare taim Suprim Kot i laik givimaut laspela disisen bilong Suprim Kot Refrens namba 1 na 2 bilong 2012 (SCR 1 & 2 of 2012) sekim sapos gavman bilong O'Neill o Somare em i tru tru gavman aninit long Mama Loa.

Dispela ting ting bilong nogut 2-pela i mekim wansait disisen bilong putim Somare i go bek gen long sia bilong Praim Minista i kamap bihain long Jastis Kirriwom i bin

salim raun wanpela intenel memo o pas namel long ol jas yet.

Asistan Polis Komisina, Thomas Eluh, i bin mekim ol wok painimaut long holim dispela 2-pela biknem jas bilong Neselnel na Suprim Kot.

"Jastis Kirriwom na Sir Salamo i bin raitim wanpela memo o pas na salim i go kam long ol jas yet. Dispela pas memo i askim ol jas long pait agensim ol gavman bi-



TOK WANBEL:

Sekreteri bilong Leba na Industri Rilesens dipatmen, George Vaso, na Provinsal Administreta bilong Oro provins, Owen Awaita, i sainim kontrak long tok oraitim givim bilong graun long Oro provins, i go long leba dipatmen. Dispela graun em Leba bai yusim long sanapim opis bilong em, na haus slip bilong ol wokmanmeri bilong en long Oro provins. **Poto:**

Nicky Bernard

Sir Michael kempen long NA kendidet ...Kempen stat long Momase...

TAIM ilegal o i no tru tru gavman bilong Peter O'Neill i gat namba, na traim long sindaun gen long palamen, Sir Michael na Nesenel Alaiens (NA) Pati bilong en i statim ileksen kempen las wik Mande.

Sir Michael i witnessim nominesen bilong Sir Arnold Amet bilong Madang Provinsal sia na Gabriel Saul, bilong Madang Open sia las wik Mande long Madang Taun.

Bihain long nominesen bilong en long Wewak long Trinde apinun, Sir Michael i go long Maprik, Aitape na Yangoru long nominetim na promotim ol kendidet bilong en husat bai sanap long dispela ol ilektoret.

Sir Michael i kempen long John Simon husat bai sanap long Maprik Open, Patrick Pruaitch (Aitape-Lumi) na Peter Wararu (Yangoru-Sausia).

Sir Michael i tokim ol manmeri long hap olsem bipo NA gavman i bin mekim ol hatwok long larim kantri i lukim ol gutpela samting olsem groa long ikonomi, stebiliti ol gutpela lukautim bilong mani.

NA i nau tokaut long bi-

hainim loa long ronim kantri gut na givim gut ol sevis bek long pipel aninit long gutpela gavman.

Sir Michael i tokim ol pipel long pait em i bin mekim long Ogas 2 las yia i kam inap nau long larim ol memba na manmeri i bihainim Mama Loa na ol arapela loa bilong kantri i stap strong.

Em i tok tenkyu long ol pipel bilong Is Sepik long namba wan Suprim Kot Refrens gavana bilong ol, Peter Wararu na Provinsal Eksekyutiv i bin askim kot long sekim na painimaut sapos gavman bilong O'Neill o Somare em i tru tru gavman aninit long Mama Loa.

Tasol em i tok lain bilong O'Neill na Namah i wok long mekim kain kain samting long stap yet long pawa.

Sir Michael i tok, "I nogat wanpela memba bilong Palamen i save brukim loa na bagarapim wok bilong kot na Sif Jastis, tasol nau dispela kain pasin i wok long kamap long kantri long pulapim bel biilong 1-pela man husat i hangre tumas long politikel pawa.

"Peter O'Neill i wok long giamanim pipel bilong kantri na yumi noken larim em o Belden Namah long dauinim pasin demokrasi long politikel sistem bilong yumi, we dispela em i strongim kantri bilong yumi olsem 1 kantri."

Long Aitape, Sir Michael i tokim ol pipel olsem Buk Baibel i kam long Papa God, na wankain tasol Mama Loa em i loa bilong banisim olgeta laip na pasin bilong yumi olgeta.

Em i tok klia long ol pipel bilong Aitape, Maprik na Yangoru long bikpela asua na pasin nogut O'Neill-Namah gavman i mekim long sindaun gen long palamen taim na holim Sif Jastis, Sir Salamo Injia.

Sir Michael i tok, "Pasin bilong ol i soim wanem kain samting ol bai mekim sapos yumi pipel i votim ol i go insait gen long palamen."

Sir Michael i tokim ol pipel olsem em bai nonap stap longpela taim tumas long politiks, tasol em i laikim gutpela lidasip bilong bihainim loa i mas stap bihain long dispela ileksen long ronim gut dispela kantri aninit long pasin demokrasi na loa.

Manam pipel laik lukim ol kendidet

OL PIPEL bilong Manam Ailan insait long Madang provins, i mekim bikpela askim i go long ol kendidet husat i resis long Bogia Open sia na Madang Rijenal olsem ol i mas go bung wantaim ol pipel na toktok long ol.

Pastaim presiden bilong labu LLG, Nelson Mambota wantaim nau presiden bilong Kuluguma wod kansil, Charles Yanda i tok olsem ol pipel bilong Manam laikim olsem ol dispela kendidet i mas long go long Manam Ailan na toktok wantaim ol pipel stret na autim tingting bilong ol long ol pipel long wanem rot tru ol i ken bringim sevis i go long ol.

Manam i stap insait long Bogia Open ilektoret, na

long resis bilong 2012 nesenel jeneral ileksen i lukim 37-pela kendidet i putim nem long resis long salensim siting memba John Hickey.

Mista Mambote i tok sampela pipel bilong Manam i muv i go pinis long ailan na sampela i stap yet long ol tripela kea senta long Bogia.

Ol tripela kea senta we ol pipel bilong Manam ailan i bin muv i go sindaun long en em long Postsdam, Asuramba na Mangem. Dispela ol kea senta em gavman i givim graun long ol pipel long sindaun bihain long bikpela mauten paia i kamap na bagarapim ol ples long Manam ailan long 2004.

Wod memba bilong Kuluguma, Charles Yanda i tok

dispela hevi bilong maunten paia i mekim planti ol pikinini bilong Manam ailan i no go long skul na dispela em bikpela hevi long ol manmeri bilong Manam.

Mista Yanda i tok olsem ol pipel bilong Kuluguma husat i stap long kea senta long Asuramba i bin wok hat tru na i kirapim wanpela elementeri skul we bai lukim wanpela seremoni i kamap long Fraide long opim dispela nupela skul.

Em i askim i go long ol Kuluguma pipel husat i stap long Madang taun na tu long arapela ples long PNG long givim sapot bilong ol i go long dispela nupela elementeri skul bikos dispela skul bai givim save long ol pikinini bilong Manam ailan.



HAUS KEMPEN: Strongpela sapota bilong Madang rijenal gavana, James Gau, i wokim kempen haus pinis, na redi tasol i stap long Bom setelmen long Astrolabe Be, wod 10.

Planti kempen haus sanap long ol ples

2012 ILEKSEN fiva i go hot tru nau na dispela i lukim planti ol sapota bilong ol wan wan kendidet insait long resis bilong nesenel jeneral ileksen i putim ol haus bung o kempen haus long planti ol eria long ilektoret bilong ol.

Insait long ples Bom long Bugati eria long Astrolabe Be lokal level gavman long Raikos distrik, ol sapota bilong siting memba na gavana bilong Madang, James Gau, i sanapim pinis kempen haus bilong em tu insait long ol ples bilong ol long Bom setelmen long soim olsem ol i laikim yet dispela lida long kam bek.

Wanpela long ol strong-

pela sapota bilong Mista Gau na tu wanpela hetman bilong ples long Bom setelmen, Amon James, i sanapim wanpela haus-sel olsem kempen haus namel tru long ples we ol sapota bilong kendidet i ken go stap mekim toktok na tu dring ti, na kaikai ol samting na serim tingting long sapotim wok bilong memba.

Mista Gau i resis gen long Raikos Open ilektoret aninit long Triumph Heritage Pati (THE Pati) we tresera na siting memba bilong Kandep, Don Polye i go pas long en.

Pasin bilong wokim haus kempen long ol ples na haus-lain em bikpela samt-

ing tru long Hailans rijen long PNG.

Nau yet planti lain i sindaun na pilai kas na paitim toktok i go kam i stap.

Planti taim ol i save kisim fri kaikai na soim olgeta kain gris toktok olsem ol sapota tru bilong dispela kendidet husat i wok long baim ol rais na abus bilong ol na ol i kaikai stap.

Wankain samting i stap long ol arapela ples long kantri.

Haus Kempen em ples we ol strongpela sapota bilong kendidet i save bung na pasim ol toktok na givim strong na sapot i go long kendidet.



GREN SIF STAP YET... Gren Sif Sir Michael Somare i toktok long ol pipel long Madang.



2012 Ileksen Nius



Sir Rabbie luksave long Wong bilong Kokopo Open

Michael Novingu i raitim

BIPO Praim Minista Sir Rabbie Namaliu, na komyuniti Lida-man Andrew Ilam, i givim tok orait long bisnisman long Kokopo, James Wong long putim nem long resis long Kokopo Open sia long las wik Fonde.

Mista Wong, husat em i papa bilong SAS Sekyuriti kampani long Kokopo, i tokim Wantok Niuspepa olsem astingting bilong em long resis long Kokopo open, em long stretim helt sevis long ol manmeri long Kokopo Distrik.

“Helt sevis bilong mipela long Kokopo na kantri i bagarap. Gavman i no helpim long kirapim gutpela helt sevis bilong ol manmeri. Planti mama i dai long taim ol i laik karim pikinini, nogat marasin, ol masin i stap long ol haus sik long karimaut wok long helpim ol sik manmeri i laik kisim helpim,” Wong i tok.

Wong i tok, sapos Australia i ken givim gutpela helt sevis long ol manmeri bilong en, mipela i ken mekim tu. Moa yet, em i tok wanem samting i stopim mipela long providim gutpela helt sevis long ol manmeri bilong mipela.

Wong i tok sapos em i kamap memba bilong Kokopo, namba wan samting em bai mekim long stretim helt sevis, edukesen, rot na bris, agrikalsa Wok bisnis long helpim kirapim gutpela sindaun bilong ol pipel long komyuniti bilong ol.

Em i tok, ol manmeri mas lukluk gut na votim ol kendidet i gat gutpela pasin long wok bung wantaim ol pipel long kisim sevis i go long haus dua bilong ol. Wapela bikpela samting Wong bai lukluk long en, em long wokbung wantaim ol manmeri i stap sindaun wantaim sik HIV/AIDS, kempen strong long daunim

sik nogut bai em i noken i go moa long ol manmeri.

Wong i tok, em bai wokbung wantaim Transparensi Intanesenel (TI) long stopim korapsen i wok long bagarapim komyuniti. Em i tok tu, em bai pait hat long apim pe na kirapim gutpela wok kondisen bilong ol wok manmeri long kisim gut pe long helpim sindaun bilong ol.

Wong i tok em bai wokbung tu wantaim ol mama grup, yut, na sios grup long givim helpim long ol kirapim wok bilong ol go het long ol komyuniti bilong long kirapim gutpela sindaun bilong ol.

Is Nu Briten laikim moa sevis long komyuniti

Michael Novingu i raitim

BIKPELA toktok i stap nau olsem pipel bilong Is Nu Briten i laikim sevis i go long komyuniti bilong ol long kirapim gutpela sindaun.

Long dispela as, 98 kendidet i putim nem long resis long faivpela sia long provins.

Namel long ol, i gat tripela meri i putim nem long resis long ol dispela sia. Ol dispela meri em: Rosemary Sovek (Rabaul Open); Odilia Virua (Gazelle Open); na Lanieth Aua (ENB Provinsal)

Taim nominesin i pas las wik Fonde, ol dro bilong ol kendidet bai resis long 5-pela sia long ENB i sanap olsem:

- | | |
|------------------------------|----|
| 1)Kokopo Open Ilektoet namba | 28 |
| 2)Rabaul Open Ilektoet | 12 |
| 3)Gazelle Open Ilektoet | 24 |
| 4)Pomio Open Ilektoet | 19 |
| 5)ENB Rijinel | 15 |

Olgeta = 98

Long Me 18, 2012 taim tok orait long putim nem i op, planti manmeri i bilas long Tumbuna pasin bilong ol, singsing, kalap kalap long ol kar na kisim ol kendidet bilong ol i kam long Kokopo distrik Opis long putim nem bilong ol.

Long ENB Provinsal sia ol kendidet i sanap olsem:

- | | |
|-----|-----------------------|
| 1. | Francis Bamulerea |
| 2. | John Rumet Kaputin |
| 3. | Henry Ningo |
| 4. | Tokubar Henry |
| 5. | Leo Dion |
| 6. | Pius Kosa |
| 7. | Derio Titi |
| 8. | Isaac Wartaun Minicus |
| 9. | Michael Konjib |
| 10. | Binam Kaina Kapa |
| 11. | Iona Alipet |
| 12. | Ruben Uradok |
| 13. | Levi Silu Orong |
| 14. | Martin Ulalom |
| 15. | Lanieth Aua |

Sir Jon Kaputin, husat i gat bikpela save long wok politiks na bisnis, bai traim long winim ENB Provinsal sia.

Planti manmeri i bilip olsem, sapos em i win gen, em bai kisim sevis i go long ol man-

meri long ples long helpim sindaun bilong ol.

Siting Gavana, Leo Dion bai traim long kisim bek sia bilong em.

Long Rabaul Open ol kendidet i sanap olsem;

- | | |
|-----|------------------------|
| 1. | Skerry Palanga |
| 2. | Geoffrey Puipui |
| 3. | Takale Tuna |
| 4. | Bruce Alexander |
| 5. | Dokta Allan Marat |
| 6. | William Kaputin |
| 7. | Francis Magel |
| 8. | Raymond Paulus |
| 9. | Steven Kevin Raflin |
| 10. | Lawrence Wada Titimur |
| 11. | Rosemary Vartuam Sovek |
| 12. | Robin Minding |

Planti manmeri i bilip olsem Dokta Allan Marat bai winim bek sia bilong em long Rabaul, bikos em i bin wokim sampela gutpela wok long helpim sindaun bilong ol pipel bilong en.

Long Gazelle Open i gat 24 kendidet bai resis long winim sia siting memba Malakai Tabar i holim, em:

- | | |
|-----|----------------------|
| 1. | Bani Ambrose |
| 2. | Henry Urai |
| 3. | Andrew Kusak |
| 4. | Paul Vigil |
| 5. | Simon Kabiu |
| 6. | John Niligur |
| 7. | Alois Balar |
| 8. | Dr. Solomon Laup |
| 9. | Isikel Lulu |
| 10. | Norbert Kubak |
| 11. | Jelta Wong |
| 12. | Smael Manikot |
| 13. | Herman Remas |
| 14. | Mark Andrew |
| 15. | Paul Willie |
| 16. | John Sambe |
| 17. | Richard Tapil |
| 18. | Malakai Tabaril |
| 19. | Benson Paparal |
| 20. | Odelia Virua |
| 21. | Richard Periwanga |
| 22. | George Kerker |
| 23. | Sina Brown |
| 24. | Joseph Karani Willie |

Sinai Brown bai traim long winim Gazelle Open sia, moa yet, em bai resis wantaim tupela yangpela man, Richard Periwanga na Mark Andrews we tupela i gat bikpela save bai mas traim hat long winim dispela sia.

Long Pomio Open i gat 19-pela kendidet bai resis long winim sia bipo minista bilong Nesenel Plening Paul Tiensten i holim. Ol kendidet bai resis long Pomio open ilektoret i sanap olsem;

- | | |
|-----|---------------------------|
| 1. | Anton Koislia |
| 2. | Tony Rango Balpingeri |
| 3. | Francis Bugajim |
| 4. | Hubert Konkali |
| 5. | Michael Paisparea |
| 6. | Lola Francis Mopa |
| 7. | Lucas David Peter Peltoms |
| 8. | Alois Gonggi |
| 9. | Francis Waina |
| 10. | Peter Kaiopuna |
| 11. | Pius Kaipona Anton |
| 12. | Paul Tiensten |
| 13. | Philip Goarea |
| 14. | Wesley Pagot |
| 15. | Ereman Betuel |
| 16. | Francis Koimanrea |
| 17. | Philip Tolis Telakul |
| 18. | Terence Naka |
| 19. | Intamana Francis |

Ripot Wantok Niuspepa i kisim i kam long Pomio i soim olsem planti manmeri laik sanisim Paul Tiensten we em i siting memba bikos sampela wok em i mekim i no stret long ai bilong ol manmeri long Pomio.

Kokopo Open i gat 28 Kendidet bai resis long en. Ol kendidet i sanap olsem;

- | | |
|-----|-------------------------------|
| 1. | Gard M. Renson |
| 2. | Kelly Lyein |
| 3. | Gesley Rivan Peter |
| 4. | James Wong |
| 5. | Michael Cyril Sinic Tenekanai |
| 6. | Ereman Tobaining JNR |
| 7. | Joe Meava |
| 8. | Henry Libai |
| 9. | John Rumet Boas |
| 10. | Emil Tamur |
| 11. | Henry Bobut |
| 12. | Jack Tiriman Voivoi |

- | | |
|-----|------------------------|
| 13. | Ronie Ilam |
| 14. | Carter Sialis |
| 15. | Arnold Tivelit |
| 16. | Andrew Diu Yamai |
| 17. | Joseph E. Niuli |
| 18. | Elias Talom Thomas |
| 19. | Tiolam Wawaga |
| 20. | Jude Billy |
| 21. | Elisha Wada |
| 22. | Joe Benkuini |
| 23. | Ronnie Kamure |
| 24. | Benjamin Mesmin Murliu |
| 25. | Anton Kuonduo |
| 26. | Vint Tata Lote |
| 27. | Allan Baragu |
| 28. | Albert Buanga |

Planti manmeri i bilip olsem bipo meya bilong Kokopo taun Albert Buanga bai winim dispela sia tasol bipo wokman bilong Fainens Dipatmen long Waigani Allan Baragu bai putim strongpla pait long winim Kokopo open sia.

Long wankain taim, Is Nu Briten Provinsal Edministresen i mekim kamapim wapela kibung bilong ol Kokopo open long Sarere las wik. Long dispela kibung planti ol kendidet istap long en i autim ol as tingting bilong ol long resis long Kokopo open sia.

Samting olsem 2,000 manmeri i kam bung long harim ol toktok long wanem samting bai ol i mekim taim ol i kamap memba bilong Kokopo. Lanieth Aua husat em i wapela meri kendidet bai resis long ENB Rijinal sia long salensim siting memba na Gavana Leo Dion.

Lanieth i tokim kibung olsem em i wapela tisa long ol bus ples long ENB klostu long tripela ten krismas. Em it ok, em i lukim nogat Gavman sevis i go long busples i lukim ol manmeri i kisim taim nogut.

Em i tok olsem ol meri i save kisim bagarap long taim ol laik karim pikinini, planti bilong ol i save dai wantaim ol pikinini. Moa yet ol skul na rot i bagarap ol manmeri i kisim taim nogut.

Lanieth i tok olsem sapos em i win, em bai kirapim gutpela helt sevis, skul, rot bris long helpim sindaun bilong ol manmeri long ol busples.

Laip long liklik ailan...



BIKPELA NA STRONGPELA: Kokonas Kuka o Kasus i gat bikipela mit bilong em long wanem, em save kaikai kokonas. Dispela kain kuka em i strongpela moa na em save rausim skin bilong kokonas, brukim na kaikaim. Lukaut long ol traipela han bilong em. Sapos em i holim yu, yu bai dai! Long ol liklik ailan bilong yumi, kasus i no isi. Yu ken painim kakus antap long diwai we em i save mekim tu hap bilong em long slip, long graun we em i save wokim hol long hait na slip long en, na aninit long ol ston. Hia em wanpela mama bilong Aua Ailan bihain long em na sampela lain bilong em i kisim ol kakus, taitim na hangamapim ol ausait long haus kuk long wetim taim bilong kukim ol.

Poto: Aua Rufu Toi

I have the Power to choose a good leader!



Your poor decisions in voting, will affect your future



Caritas
Papua New Guinea



PNG Electoral Support Program

PNG lonsim pasin bilong stopim humen trefiking

PNG i lonsim pinis awenes progrem long stopim pasin bilong haitim na kisim ol manmeri agensim laik bilong ol long mekim ol seks wok na ol narapela wok olsem ol kagoboi.

Dipatmen bilong Jastis na Ateni Jenerel (DJAG)I wok wantaim Intanesenel Ogenaisesen bilong Maigresen (IOM) long kari-maut awenes bilong stopim dispela pasin i kamap tu long PNG long nesenel na trens nesenel level.

Long tok Inglis, pasin bilong hait na kisim ol manmeri agensim laik bilong ol i go long narapela hap em ol i kolim long "human trafficking".

Long taim bilong lonsim awenes progrem, ol bin tok wanpela wok painimaut i soim olsem "human trafficking" i kamap long PNG long nesenel na trens nesenel level.

Ol wok painim bilong IOM na DJAGi soim olsem humen trefiking i kamap long PNG long wanpela provins i go long narapela na long ples i go long taun. Tu, em i kamap long ol intanesenel boda eria long kantri olsem Westen na Wes Sepik provins na Otonomes Rijen bilong

Bogenvil we ol bai putim strongpela was long dispela samting.

Olgeta yia, humen trefiking i save lukim ol i baim, salim na fosim ol meripikinini na man long yusim olsem ol seks sleiv, fosim ol long mekim ol wok na ol narapela samting olsem ol kagoboi.

Deputi Sekreteri bilong Dipatmen bilong Jastis na Ateni Jenerel, Jack Kariko, i go pas long dispela wok i tok stat yet long yia 2010, dipatmen bilong em i wok patna wantaim IOM long wanpela projek bilong daunim dispela pasin.

Nesenel Eksekutyutiv Kaunsel i bin tok oraitim dispela Bil long Mas 2012 na ol bai tebelim long Palamen.

Aninit long humen trefiking, ol lain i wokim dispela pasin i save fosim na kisim planti ol meri na pikinini.

Sif bilong IOM Misin long PNG, Giuseppe Crocetti i tok bikipela samting em long stopim pasin ya long kamap long wanem, ol lain we ol i kisim ol i save bungim bikipela hevi long ol bagarap ol i kisim long tingting, stap, sindaun na laip bilong ol. Na em i save kisim longpela taim long ol i kamap orait.

Save i Ken Helpim



Gardenia Flawa

...I kam long las wik.

OL flawa i gat naispela smel em ol yusim long planti tausen yia bikos em i save givim gutpela smel na mekim man i amamas. Na tu, yusim olsem marasin.

Ol "shrub" o plent flawa i ken kamap bikipela hap long flawa gaden plen bilong yu. Yu planim na yu gat ol dispela flawa long gaden bilong yu, bai i mekim gaden bilong yu i nais wantaim lukluk n a strongpela na gutpela smel bilong em. Yu ken yusim ol olsem dekoresen lon g ol bet, ol boda, bekgraun, wan wan yet long open graun o long bikipela dis. Yu ken planim ol namel lon g ol diwai, olsem ol diwai long hait long ol long san, o sapos yu laikim nogat man i lukim yu. Shrub o plen flawa i ken liklik o bikipela. Olsem nay u mas tingting gut na spesim ol taim yu planim ol. Yu mas tingim tu ol narakain naispela smel we wan wan flawa i save givim long en, na olsem, i moabeta long tingim dispela bikos sapos yu planim ol dispela i gat ol strongpela na naispela smel long wanpela hap, kain smel bilong ol i bung wantaim i ken narapela kain stret.

Sampela ol "shrub" flawa i gat ol gutpela gutpela, naispela na strongpela smel em long lavenda (laven der), lailak (lilac) na moa.

Sampela olsem gardenia (gardenia), Jessamine n a ol narapela i save gat ol gutpela gutpela, switpela na naispela smel i save pulumapim ea long en. Moa long neks wik.



**Yut, Meri na
Famili
wantaim
Lorraine
Siraba**

Lukaut long ol promis nating bilong ileksen taim

TAIM bilong kempen i stat pinis na yumi gat moa long 3,000 kendidet i sanap resis long go insait long Haus Palamen. i gat planti kendidet i sanap i kam long ol wan wan bekgraun na ol kain kain as tingting bilong ol long sanap na kamap politisen. Kwaliti bilong ol lida yumi gat long Palamen bai kam bek long yumi ol vota na husat yumi votim long ol wik i kam.

Long dispela kempein taim, yumi mas lukaut gut long ol mauswara lain husat i laik kisim vot na ol bai wokim ol maus wara promis nating na bihain, ol bai no inapim. Wapela long ol dispela promis i no save karim kaikai em ol kendidet i sanap long ileksen i wokim long ol kempein toktok bilong ol em, kisim wara saplai i go long ol setelmen. Yumi olgeta i save olsem ol setelmen lain i sindaun long graun bilong stet na ol kastomeri papagraun na dispela i no stret. Em i brukim loa. Na bai yu kisim wara saplai i go long ol lain i brukim loa long stap long stet na kastomeri graun olsem wanem? Ol dispela pipel long ol setelmen i save baim wara bil olsem ol narapela manmeri i stap long taun? Yumi mas luksave olsem ol setelmen i sindaun long graun bilong narapela lain na ol i no hap bilong plen bilong taun. Na ol kendidet i mas skelim gut ol toktok pastaim ol i mekim kain promis bilong kisim wara saplai o rot i go long ol setelmen long taim bilong ileksen.

Wapela bikipela samting we nupela gavman i mas luksave long en na wokim samting long edresim em loan a oda long kantri i wok long go nogut. Ol bikipela taun olsem Nesenel kapitel Distrik, Lae, Hagen na Goroka i pulap long ol stil lain i save pulim ol bilum na bek long ol manmeri na moa yet, ol meri. Dispela i mekim na i stopim ol meri long mekim ol wok gut na helpim developmen bilong kantri long sait bilong wok mani. Long wankain taim, raskol pasin i save kamap bikipela na moa yet, taim ol polis i bungim hevi long trenspot bilong raun mekim wok bilong ol long daunim ol loa na oda hevi.

Hevi long loa na oda i save bagarapim groan a developmen bilong kantri, moa yet long sait bilong ikonomi n a ol wok bisnis. Olsem na moa lukluk i mas go long long ol eria we i kamapim ol loan a oda hevi. E ol eria olsem planti pipel i wok long lusim ples na kam stap long taun na populesen long taun i groa bikipela hariap na i kamapim sot long ol haus bilong stap long en, planti lain i nogat wok i stap nating, pasin turangu i wok long go bikipela, planti liklik manki i wokim stil na bikhet pasin na hevi long sait bilogn helt, populesen i groa hariap tru na prais bilong ol kaikai samting i go antap tru. Ol dispela sosel na eben hevi i bihainim groa bilong ikonomi na ol i no stap tasol long dispela tupela eria, nogat. Tasol long ol bikipela plen bilong stopim ol bikipela birua long kamap.

Stretim loa na oda hevi na stap na sindaun gut i kamap em samting ol foren investa, ol lokol bisnis haus na turisim indastri i laikim i mas stap na nupela gavman bai ka map bihain long ileksen i mas givim prairoriti o bikipela lukluk long en. Ol samting i kamap taim loan a oda i nogut em korpasen, ol loa i no gutpela, nogat gutpela gava-nens na bikipela samting moa em politiks long kantri i mas ron gut. Na kantri bilong yumi i mas ron gut. Kamapim gut sefti na sekyuriti i kamapim gutpela envaironmen o ples we ol bisnis i ron gut, turisim indastri i groa na kwaliti long laip bilong pipel bai go gut.

Raun Lukim ol Meri na Pikinini...



WETIM SIP:

Taim sip i kam long ailan, pipel i save amamas tru long wanem, em i save kisim ol kago, piul na ol

narapela saplai samting bilong stoa, ol marasin, ol samting bilong skul, ol samting pipel i save yusim long ples na tu, karim ol famili lain i stap long n arapela hap bilong kantri na wol i laik go malolo long ailan. Olsem na sip em i bikipela samting long ol ailan pipel na moa yet, long ol dispela ailan we i nogat balus i go long en bikos em (sip) i wanpela rot tasol we i kisim pipel i go long ol narapela hap. Na kisim sevis na kago samting i go long pipel. Hia ol pikinini bilong Aua Ailan i swim na pilai i stap taim sampela i sanap, sindaun na kalap kalap long wanpela bikipela diwai i pondaun klostu long nambis taim ol i wetim sip i kam. *Poto: Aua Rufu Toi*



PNG SUSTAINABLE DEVELOPMENT PROGRAM LTD

Givim sans bilong ol lain turangu; Strongim wok tisa na skul insait long ol rural praimeri skul aninit long Wapela Leptop wanwan Pikinini (OLPC) Progreem bilong PNGSDP

Mi bin mekim namba wan skul bilong mi long wapela busples skul long Hailans, na mi save long hevi bilong ol longwe ples i ken givim long skul bilong ol pikinini.

PNGSDP i gat bikipela laik long strongim edukesen mak, moa yet long Westen Provins, na wapela we bilong mekim, em long kamapim One Laptop per Child (OLPC) progreem.

OLPC em i moa long ol 'leptop' tasol. Em i wanpela integretet edukesen progreem we i gat ol astingting na strateji bilong strongim ol sumatin na tisa wantaim. Em i ken opim moa rot bilong skul bilong ol sumatin long ol longwe ples, we i save hat long kisim infomesen. Nau ol i gat wapela leptop we i no kostim bikipela mani, i no save yusim bikipela pawa, na i strongpela, wantaim ol progreem na sofwe ol i mekim bilong strongim gutpela skul na wok lainim. Em i stap bilong strongim ol pikinini long skul bilong ol long lainim samting, serim, na wokbung, na long dispela rot, em i ken strongim ol.

Em i wanpela waiales set-up wantaim wapela bikipela sola sevis we i gutpela bilong ol rural na longwe ples, we i nogat pawa saplai. Setap em wapela seva masin we i ken holim kain kain infomesen, na we ol sumatin na tisa i ken yusim long waiales sevis bilong skulim na lainim samting.

Dispela seva em i wanpela ilektronik laibreri we i wok long halivim tru ol sumatin na tisa long kisim infomesen na lukautim stap, bilong ol dispela skul.

Ol tisa i gat trening long kamapim ol nupela tising rot, long reusim ol gutpela bilong kain teknologi olsem, insait long klasrum, na we em i bihainim kurikulum bilong PNG yet.

Moa yet, PNGSDP i bung wantaim OLPC Australia, husat i bin kamapim wapela fremwok ol i kolim XO-Setifikesen long sapotim ol OLPC i go aut long ol skul long Australia na ol arapela kantri. Em i gat tisa trening na setifikesen skim, we i save halivim ol tisa long plenim gut yusim bilong ol leptop.

Wantaim wapela namba wan hap halivim mani inap long K1milian, ol i traim progreem long 12-pela komyuniti na praimeri skul insait long Not Flai Distrik na tripela skul long Oksapmin Distrik bilong Sandaun Provins, na wapela long Benz, Jiwaka Provins.

1000 leptop, ol i givim wantaim sola pawa, waiales networking na ol arapela masin.

PNGSDP i bilip olsem ol arapela developmen i ken givim han tu long sapotim dispela progreem we i wok givim ol samting olsem:

- K20,000 bilong beim wapela klas set long ol XO leptop na ol fleksibal sola panel bilong sasim ol masin.
- K10,000 bilong beim wapela skul seva wantaim sola pawa na waiales networking masin
- K90,000 bilong beim inapim wapela komyuniti skul i gat gred 3 i go 6
- K130,000 bilong beim wapela praimeri skul wantaim gred 3 i go 8
- K11,000 bilong enrolim 10-pela tisa long XO-Setifikesen trening progreem na givim ol sans bilong winim tupela klas set XO i kam long OLPC Australia.

PNGSDP i bilip strong yet long painim ol nupela rot bilong sapotim edukesen na strongim kamap bilong edukesen, moa yet long Westen Provins.



CEO: David Sode

I kam long tebol bilong CEO (Article #19 of 2012)

Ol 2011 skul setifiket i go pinis long ol provins

OL setifiket bilong ol Gret 8, 10 na 12 i stap pinis long ol provinsel edukesen opis nau long ol provinsel edukesen atoriti i tilim i go long ol skul bilong ol.

Ekting Edukesen Sekreteri, Luke Taita, i tok Edukesen Dipatmen i salim pinis ol 2011 Gret 8, 10 na 12 setifiket i go

aut long ol provins tupela wik i go pinis, long Me 14, 2012.

Mista Taita i tok ol skul prinsipel bilong 2011 long ol wan wan skul bai sainim pastaim ol dispela setifiket na bihain, ol sumatin i ken kisim ol.

Em i tok ol dispela sumatin husat i lusim pinis ol skul we ol bin skul long ol las yia i mas

kontekim olupela skul bilong ol na givim etres long ples ol i stap long en. Na skul i ken salim setifiket i go long ol.

Askim i go long ol prinsipel bilong ol skul insait long Nesenel Kapitel Distrik (NCD) na Sentrel Provins long kisim ol Gret 10 na 12 setifiket long Mesamen Sevis Brens we i save mekim

wok long ol eksamine-sen na setifikesen.

Mista Taita i tok ol Gret 8 sumatin long ol NCD na Sentrel provins skul i ken kisim ol setifiket bilong ol long NCD Edukesen Divisen i stap long Mutual Rumana Bilding long Waigani na Sentrel Provinsel Divisen bilong Edukesen long Konedobu.

Ol haus sik na helt senta i kisim K6.6 milian helpim

OL HAUS sik na ol helt senta insait long kantri bai gat ol nupela masin na tok tenkyu i go long Nesenel Gaming Kontrol Bot (NGCB).

Aninit long Komyuniti Benefit Fan, NGCB i givim K6.6 milian sekman i go long Helt Sekreteri, Pascoe Kase, long Mosbi las wik, bilong baim ol masin samting bilong ol haus sik na helt senta long kantri.

Em ol indastriel masin, ol

sterelaisa, oksigen masin bilong Pot Mosbi Jenerel Haus sik, ol kar long mekim ol klinik ausait, na wanpela terapi masin bilong kensa yunit long Lae, Morobe provins.

Praim Minista Peter O'Neill i tok dispela helpim mani i soim ol wok i kamap long dispela taim long kamapim gut ol pablik helt sevis i go long ol pipel bilong dispela kantri.



Ol mama long Ono na ol ples klostu i go klinik long haus klinik arere long Kawawar maket long Madang. Poto: James Kila

Bodi bilong meri i no fektori- Pathfinders

James Kila i raitim

BODI bilong ol meri em i no fektori bilong wokim pikinini.

Olgeta man i mas save gut long dispela na rispektim ol meri na noken givim hatwok long ol meri long karim pikinini klostu klostu. Yu mas spesim pikinini.

Dispela em strongpela toktok tru Sion Dage bilong Pathfinders Intanesenel, wanpela intanesenel ogenaisesen i stap long Madang, i mekim long las wik long wanpela aweanes i bin kamap long Madang maket we Nesenel Brodcasting Koporesen (NBC) tu i

bringim long redio we olgeta lain insait long PNG tu i harim.

Dage i tok matenal helt o helt bilong ol mama i karim insait long ol ruel eria long PNG i pundaun stret bikos nogat gutpela sapot i kam long gavman long stretim ol hevi.

Em i tok ol manmeri i ken daunim hevi bilong matenol helt sapos mama i go oltaim long sekap long helt senta o klinik.

Moa long en en tu, ol man na meri wantaim i mas plenim wanem rot long bihainim long sait long plenim pikinini i bihainim ol famili plening rot olsem sut-marasin o depo-povera na arapela

ol gutpela rot moa.

Dispela awenes we ol NBC i kolim 'Yumi Halivim Mama Awenes' i bringim ol redio lain bilong Mosbi, Lae, Kimbe, Kerema na tu Madang long promotim helt, nutrisen na famili plening na i bin kamap long Madang taun maket long Tunde.

Wanpela dokta bilong ol mama long Modilon Jeneral Hausik long Madang, Dokta John Bongai, i tokaut olsem PNG i go baksait long sait long helt sevis na tu famili plening wok insait long ol ruel eria.

Wanpela eria we em i toktok moa long en em long sait bilong supavais

deliveri, em taim mama i go karim pikinini long haus sik i gat wok lain i stap long helpim em gut long bringim pikinini i kam ausait.

Em bin tok long bipo, helt sistem i wok gut bikos i bin gat 60 pesen supavais deliveri, tasol long nau, maski olsem yumi tok yumi stap long twenti-fes (21st) senseri, 40 pesen bilong helt sistem bilong yumi i go baksait tru.

Dokta ya i sutim tok long helt rifom o senis we i bin kamap we nau i lukim wok bilong helt sistem i stap long lukaut bilong Distrik Edministreta.

OL HAP HAP NIUS

■ **EDUKESEN** Dipatmen i kisim K51.9 milian i kam long Global Patnasip bilong Edukesen (GPE) long helpim wokm bilong go hetim na in apim ol gol bilong Yunivesel Besil Edukesen (UBE) long PNG. Dispela i bihainim wokabaut bilong Siameri bilonmg GPE, Carol Bellamy, husat i bin raun i kam long PNG sotpela taim i go pinis. Wokabaut bilong Mis Bellamy i soim patnasip bilong PNG wantaim wanpela bikpela wol patna bai helpim long ol risos na treknikel sapot bai bildim na go hetim ol gutpela edukesen plen we bai lukim moa pikinini i go long skul na kisim gutpela edukesen. Manimak ya bai helpim PNG long tripela yia long bildim moa laibreri, ol laibreri buk, ol trening projek na bildim ol klasrum.

■ OL lain i gat sik long lewa (heart) long kantri bai gat wod bilong ol yet long Mosbi Jenerel Haus sik na dispela i kamap wantaim K100,000 helpim mani bilong Benk bilong Saut Pasifik (BSP). Aninit long BSP Brens Komyun iti Projek bilong 2012, Douglas Strit, Boroko na Godons Komesel Brens i kombain na putim mani wantaim long kamapim dispela projek long bildim Kadiak Wod we ol lain wantaim sik long lewa i ken malolo gut na kamap orait.

■ **SINGAUT** i go long ol Provinsel Edukesen Edvaisa na ol Distrik Edukesen Edministreta long kodinetim wok bilong kolektim ol skul sensus fom na ol benk akaun ripot, na salim i go long dipatmen long ol i ken stretim ol skul sabsidi peimen long taim stret bilong em. Ekting Edukesen Sekreteri, Luke Taita, i wokim dispela singaut bihainim planti ripot long midia i tok planti skul long kantri i no kisim yet nambawan hap bilong skul sabsidi peimen bilong dispela yia. Em i singautim ol Stendet Opisa long sapotim dipatmen na wok i ken go gut long kisim ol data na ol i ken redim namba tu hap bilong ol skul sabsidi peimen.

■ OL toktok i raun olsem banis sut bilong stopim sik tetanus ol i givim aninit long SIA progrem long kantri tru em i rot bilong famili plening i no tru. Helt Sekreteri, Pascoe Kase, i mekim dispela toktok bihainim sampela tokwin i raun long pablik long dispela taim. Em i tok tetanus i wanpela sik nogut i save kamapim hevi long pulim win, guria save kisim ol na pilim bikpela pen long masel.

Ol binatang nogut i bagarapim kantri ...Pre long namba 9 nesenel ileksen i ron gut

Veronica Hatutasi i raitim

BIKMAN bai kam insait long mekim dispela namba 9 nesenel ileksen i ron gut na kamapim belgut na gutpela samting we ol "locust" o binatang nogut i kaikaim.

Modereta bilong Yunaitet Sios na Presiden bilong PNG Kaunsel ov Sios, Reveren Se Samson Lova, i tok long wanpela kombain sios sevis i bin kamap long statim wok bilong 2012 nesenel ileksen long Fraide Me18.

Siois sevis we Reveren Joseph Walters i bin go pas long kamapim i bin pulim ol sios lida bilong Katolik, Yunaitet na ol narapela bikipela na ol liklik sios, wantaim tu Gavana Jenerel Se Michael Ogio na ol woklain bilong em, ol bikman i makim ol hai

komisin na ol embasi, Ilektorel Komisina Andrew Trawen na woklain bilong em na sampela memba bilong pablik i bin stap long dispela lotu sevis bilong putim ol samting i go long han bilong Bikipela.

"Taim Reveren Se Samson i tok "dispela em de Bikipela i mekim na yumi mas amamas long en", em i tok fokal long toktok bilong Profet Joel, Sapta 2, ves 25.

"Bai mi givim yu bek samting we binatang i kaikaim" na ol samting yu bin lusim., Reveren Se Samson i tok.

Em i tok locust o binatang em ol birua i kalap kalap na bagarapim pipel long kamap ol rabislain i nogat rait.

Em i tok tu olsem ol i rausim amamas na ol rait bilong ol yangpela pipel husat i sitisen bilong

kantri

Na hevi long politiks i karamapim tu tripela han bilong gavman i narapela.

Em i tok mak bilong amamas we i luk olsem sampela lain i baim ol politkel pati wantaim bikipela manimak i abrusim milian kina em i nupela kalsa i no gutpela.

"Long dispela namba 9 Palamen, yumi wok long bihainim rot bai bagarapim yumi. Mi pilim long lewa bilong mi olsem sampela i kisim mani long salim kantri bilong yumi," Reveren Se Lova i tok.

Tasol em i tok, noken larim ol dispela samting i daunim yumi, nogat.

"Yumi mas kisim strong olsem risal bilong dispela ileksen bai givim bek yumi ol samting yumi lusim na Bikipela bai kam insait

long yumi lukim gutpela samting.

"Long namel bilong ol hevi, yumi laikim bai luksave long Mama Loa na belgut bai kam bek, na ol i noken baim kantri wantaim mani.

"Yumi no laikim dispela na mi bilip long tok we Ilektorel Komisina i tok bai yumi lukim fri, fea na seif 2012 nesenel ileksen," Reveren Se Samson i tok.

Narapela bikipela samting we Reveren Se Samson i toktok strong long en em long pipel i mas rispektim loa na oda na tu, long lukim olsem kisim braiberi o gris mani i no stretpela samting.

Ileksen bai ron inap long Julai 27 taim Ilektorel Komisina Mista trawen bai kisim bek ol rit pepa i go long Gavana jenerel, Se Michael Ogio.

Ol yut i kisim tok long lukim gutpela long ol narapela

"WANTAIM fridom, yu mas tingim tupela samting.

Em long lukim gutpela samting long ol narapela, na mekim olgeta samting g long glori bilong Bikipela, o long amamasim Bikipela."

Mary McNaught em voluntia bilong Australia i wok wantaim Salvesen Ami Notwes Divisen na Kea Program, i bin go pas long wanpela yut konvensen bilong ol Salvesen lain i bin kamap long Kerowagi Simbu long las mun, i bin wokim dispela toktok.

Wan taim het tok, "Youth with a Purpose" o "Yut i mas gat plen, konvensen o bung ya i bin pulim planti lain i kam long olgeta hap bilong Enga, Jiwaka, Simbu, Isten na Westen H a i l a n s provins.Toktok bilong Toktok bilong Mis Macnaught i bin fokal o glasim rot bilong yusim gut ol sosel komyunikesen nupela teknologi olsem Fesbuk na ol

mobail fon.

"Long kisim Fesbuk, ol manmeri i ken go long intanet long kompyuta o long mobail fon. Na dispela em i hap bilong sosel midia.

Ol narapela man i ken lukim na ritim ol samting yu putim long Fesbuk pes na ol i ken bekim o mekim ol komen o autim tingting bilong ol . Na yu ken bekim ol toktok we ol narapela i mekim o putim moa long ol tingting bilong yu," Mis Macnaught i tok.

Mis Macnaught i tokim bung long tingim 4-pela P taim ol i putim samting long pes bilong ol.

"Foapela P em Pablik, we olgeta lain bai ridim ol samting yu raitim long en, Pre-occupied, we husat i yusim Fesbuk i ken lusim planti taim na tu, westim taim Narapela em Personal we yu ken givim bikipela tingting long yu yet na Purposeful o yu mas gat as tingting watpo yu yusim," Mis MacNaught i tok.



HARIM STAP: Ol yut i sindaun na harim wantaim bikipela intres Mis MacNaught i toktok.

Em bin tokim ol yut long lukautim ol yet na long mekim dispela, long noken raitim long Fersbuk ol pesenel samting o long putim ol potu bai kamapim hevi, wari na pen long ol narapela.

Em i tok long laip, wok na sindaun bilong em, Jisas i no bin lokim em yet na sindaun insait long haus lotu na raitim ol toktok bilong em we i soim olsem em i Bikman, nogat.

Em bin go aut na sindaun na sea , kaikai na oraitim ol lain i save kisim takis, ol man-

meri i gat sik lepra, ol pikinini na ol lain we ol i rausim ol long stap ol yet.

Em i tok Jisas i bin go aut na sevim ol narapela na salensim pasin bilong rabisim ol narapela politiks i no gutpela bilong Rom.

"Pilipiens 2:3-5 i tok noken mekim ol samting long apim yu yet , tasol wokim wantaim daun pasin na moa yet, long helpim ol narapela. Long rilensensip bilong yupela wantaim ol narapela, yu gat wankain tingting olsem Jisas,"

Mis MacNaught i tok.

Em bin tokim ol yut olsem ol i gat fridom long yusim sosel midia na ol mobail fon long wanem kain wei ol i laikim long en, tasol tingim sampela statok bilong Santu Paul we long pas bilong em i go long ol Korin Sapta 10 Ves 23-24 na sapta 31, em i tok, " Mi gat rait long wokim samting , yu tok, tasol i no olgeta i gutpela o bai helpim mi. Noken tingting long gutpela bilong yu tasol long gutpela bilong ol narapela.

Vatiken laikim bai Pop i mas gat rait na praivesi bilong em

I kam long Zenit Nius Ejensi, Vatiken

VATIKEN i mekim ol wok painimaut long ol lain husat i bin kisim ol praivet korespondens o ripot na dokumen bilong hetman bilong Katolik Sios long wol, Pop Benedict 16 na ol lain em i save toktok na kisim ol etvais long ol, na wokim wanpela buk long en.

Long Sarere Me 19,Gianluigi Nuzzi em wanpela jenelis o niusman bilong Itali i bin autim nupela buk em i kolim, "His Holiness".

Long dispela nupela buk, Mista Nuzzi i putim long ples klia ol korespondens o pas we Pop Benedict 16 i raitim na salim i go long pesenel sekreteri bilong em, na dispela long pesenel sekreteri i go long Pop.

Dispela em i namba tu taim wankain samting i kamap we ol praivet dokumen bilong Vatiken em sampela lain i hait na givim i go aut na ol i pablisim long pablik i lukim.

Long las mun tasol (Epril), Pop Benedict 16 i bin sanapim wan-

pela Komisina i gat long em ol Kadinel long bai mekim ol wok painimaut long dispela samting.

"Raitim ol dokumen bilong Holy Si na ol praivet dokumen bilong Pop Benedict 16 i no moa stap olsem wanpela askim, nogat. Tru em i kamapim bagarap, dispela wok bilong wanpela jenelis i kriminel, wanpela stetmen long Vatiken i tok.

"Ol i bagarapim rait , praivesi na fridom bilong Santu Papa, ol lain em i toktok wantaim na ol lain i save salim ol mesej i go long em,

" Vatiken i tok.

Em i tok ol bai go het mekim ol wok painim long ol eria we ol i bagarapim ol rait na praivesi bilong Pop Benedict olsem wanpela man yet na olsem hetman bilong Katolik Sios long wol na Vatiken Stet.

Na ol bai lukim olsem ol lain husat i bin brukim loa na stilim ol dokumen i kam aninit long loa.

Em i tok ol bai kisim helpim long intanesenel level long wok painim bilong ol long dispela samting.



Wanem samting lida i wokim, God i lukim yu stap

LONG ol ples bilong yumi bipo taim, i gat ol lida i stap we i save go pas long olgeta kain wok bilong ples.

Wanman i gat spesel kain ol save long kainkain ol wok na pasin bilong ples. i gat wanpela man em i olsem hetman (lida). Em i gat pas long pablik toktok long wok kastam, singsing tum-buna na kainkain seremoni bilong ples.

Mi save long wok lida em i olsem traim. Mi lukim dispela ol lida i bin go pas long planti gutpela wok olsem lidim na stiaim manmeri long wok hat long komyuniti, wok didiman long planim kopi na kakau na ol arapela wok developmen i kam.

Lida, mi laik toksave long yu olsem lida em i man husat i go pas long toktok na kisim eksen wantaim.

Planti lida i save maus wara na toktok nating we i nogat gutpela kaikai bilong em. Wankain olsem klaut i pairap nating, tasol ren i no kamdaun. Yu mas toktok na tekim eksen o mekim samting wantaim, bai ol manmeri i ken save olsem yu no lida bilong mauswara na toktok nating.

Taim yu toktok nas mekim samting, dispela i ken stap olsem piksa long ol arapela i ken lukim na bihainim. Lida em i man o meri husat i go pas long toktok na mekim samting olsem yu tokim manmeri long em.

Mi olsem lida i laik tokim yu lida olsem man i lukim yumi na save long yum long ausait, tasol God i lukim yumi na save long yumi long insait. God i laik bel i klin na pasin i stret long ai bilong God na man.

Sapos yu laik tasim laip bilong arapela manmeri, yu mas larim God i tasim laip bilong yu pas-taim. Sapos yu laik lidim o go pas long ol arapela manmeri, yu mas larim God i lidim yu na yu mas bihainim God yu yet pastaim long ol arapela manmeri i bihainim yu.

Eks 20: 28 i tok yupela i mas was gut long yupela yet na long olgeta manmeri bilong sios bilong God. Em ol dispela manmeri em i bin baim long blut bilong pikinini bilong em yet. Holi Spirit i makim yumi lida long stap wasman bilong ol dispela manmeri bilong God.

Resis bilong kamap Praim Minista i op

RESIS bilong kamap Praim Minista bilong Papua Niugini i sanap ples kliia pinis bihain long nesenel ileksen long mun Julai.

Long kamap Praim Minista em yumi save olsem politikel pati husat i winim moa sia long nesenel ileksen tasol bai go pas long kamapim Gavman na lida bilong dispela pati bai kamap Praim Minista. Dispela em lo bilong yumi aninit long Integriti ov Politikel Pati na Kendidet Lo.

Bikos nesenel ileksen i kamap nau, yumi bin lukim pinis olsem ol pati lida i putim han go antap long resis long dispela sit bilong Praim Minista. Tasol ol i no inap kisim dispela sia nating inap pati bilong ol i winim moa sia long ol arapela.

Ol pati lida husat laik winim moa sia na kamap Praim Minista em Belden Namah husat em Deputi Praim Minista nau na lida bilong PNG Pati, Sir Michael Somare olpela Praim Minista na lida bilong Nesenel Alaiens pati, Peter O'Niell nau Praim Minista na lida bilong Pipels Nesenel Kongres pati, Don



Polye husat em minista bilong Treseri na lida bilong THE or Traiam Herites Pati, Gavana bilong Enga Provins Peter Ipatas na sampela nupela pati nau i kamap. Ol lida bilong ol nupela pati olsem Garry Juffa husat em biknem Kastoms Ofisa, Gren Sief Ila Geno husat em olpela Sief Ombudsmen Komisina na olpela Deputi Polis Komisina bilong Papua Niugini.

Sapos yumi skelim gut, ol pati husat i gat

pawa na strong nau long pait strong insait long dispela nesenel ileksen long winim ol sia em PNG Pati, Nesenel Alaiens (NA), THE pati na PNC pati.

Ol dispela pati em yumi ken lukim olsem ol geta strong long sait bilong risos, ol gat moa gutpela kendidet na ol lida i stap pinis na ol bai kam wantaim pawa na nois bikos ol gat mani na bisnis long sapotim ol.

Narapela tu em ol gat pawa long winim ileksen bikos ol lida bilong ol i gat nem na bikipela rekot long kantri we ol pipel i save long en. Na dispela em wanpela bikipela eria ol pipel i gat rispek long sapotim ol long winim ileksen tu.

Yumi save pinis olsem ileksen long Papua Niugini i no save liklik samting. Olgeta pipel i save mekim nois long en bikos ol bai sapotim tru ol lain o kendidet bilong ol long win.

Tru tumas ol lida o kendidet husat i gat pawa na mani bai mekim bikipela eksen tumas winim ol arapela kendidet na dispela ken pulim tin gting na sapot bilong ol pipel.

Tasol bikipela toktok i stap pinis olsem yumi ol pipel mas vot long laik na tingting bilong yumi yet na nogat man bai pusim yumi long votim husat. Em laik bilong yumi stret long makim lida.

Oraityumi lukluk long husat bai kamap Praim Minista bikos klostu 5-pela biknem lidaman i putim han go antap pinis long holim dispela sia. Nau em yumi ol pipel yet mas skelim husat tru inap kamap gutpela Praim Minista bilong ranim kantri bilong yumi.

Sapos nogut Praim Minista, sore bai yumi bungim planti hevi long kantri bilong yumi long bihain taim bikos planti wok na ron bilong kantri bai go krangi na yumi ol pipel bai bungim pen stret long sindaun bilong yumi.

Amamas bilong kisim dispela bikipela sia bilong kantri em wanpela samting. Tasol long lukautim pipel na kantri em narapela samting. Na dispela i no liklik wok o isi samting. Em sia bilong pipel na pipel mas stap pas long olgeta tingting na disisen bilong Praim Minista na gavman bilong em.



WANTOK KOMENTRI

Taim bilong bekim dinau

TAIM bilong ileksen em i taim bilong bekim dinau.

Na em i taim tu we manimak insait long ol poket bilong ol manmeri i pilai politiks, i save stap long K1000 na i go antap.

I tru, yumi Papua Niugini i gat nem tru bilong pasin bekim-bek.

Sapos yu birua bilong mi, na yu kilim wanpela wan-famili bilong mi. Pasin bilong bekim blut, em i stap.

Em i no bihainim loa bilong ol waitman, na em i no bihainim loa bilong ol kain kain loa buk nabaut.

Nogat.

Em i pasin bilong yumi PNG.

Bihainim dispela wanpela luksave, em i pasin bilong bekim halivim.

Nau ol lida bilong yumi, i wok long strongim nem bilong ol yet. Ol lidamanmeri i go insait long wok kempen nau, na nem em i bikpela samting. Na sapos yu laikim ol vota long luksave long yu, nus pes tu, em i bikpela samting.

Ol pes, we bipo, yumi no save lukim ol, o we mipela i lus tingting pinis long ol, nau ol i kamap ples klia gen.

Tasol yumi noken lusim ol dinau ol i gat. Ol dinau bilong ol dispela wankain ol pes i save traime ileksen olgeta taim, na ol i no win yet, em yumi mas long ol.

Bai gat planti ol manmeri husat i ting olsem, bikos ol i gat planti mani, ol i gat rait bilong kamap lida, na winim laik bilong

ol manmeri.

Em wanpela krangi tingting tru.

Nau, yumi lukim sampela ol gutpela lida manmeri i go pas long sampela ol biknem pati. Tasol ol kendidet husat i wok sanap resis aninit long pati nem bilong ol, i no ol gutpela man.

Wanpela as tasol we ol i mas givim luksave long ol, em bikos ol i holim dispela samting ya....mani.

Dispela nupela gavman bilong O'Neill na Namah, i mas was gut long ol kain maniman, husat i kam kisim luksave aninit long nem bilong ol.

Ol manmeri i no long-long. Ol i save husat tru em i gutpela man, na husat, pasin bilong ol i paul olgeta.

Yumi noken lukluk long pes bilong man i stap long mani em i wok tromoi olsem pepa nating.

Yumi noken lukluk long beltait yumi kisim taim memba i baim na givim handret katen bia o katen lemleps long ol hauslain.

Yumi mas lukluk long bel tru bilong manmeri. Na sapos em i gat nem, tingting, save, na pasin bilong kamapim ol gutpela senis long laip bilong yumi, PNG.

Long haus kot

Pasin Deputi Prais Minista bilong wasman gavman, Belden Namah, i mekim namba wan samting tru long kantri bilong yumi, taim em i go pas long ol polisman na soldia long painim, holim



Gut bai Sief... Mi go insait long kamap Prais Minista gen...

pasim, na sasim Sif Jastis Salamo Injia na Jastis Nicholas Kirriwom las wik.

Dispela kain pasin, yumi noken sapotim.

Long mun Ogas 2011, ol sut tok i go long Judisari bilong yumi, i lukim nem bilong en i go daun olgeta.

Tasol dispela luksave nogut, i no kamap long wanpela bikpela rong ol jas bilong yumi i mekim. Nogat. Em i kam long ol toktok i kamaut long gavman.

Sapos i bin i gat ol hevi i stap long we O'Neill-Namah gavman i bin kamap, i gat ol stretpela rot bilong mekim.

Namah yet i tok olsem

ating kantri i no redi long kain lidasip pasin bilong em.

Tasol pasin demokrasi, na independens bilong tripela han bilong gavman, em i no samting bilong nau tasol.

Em i pasin na bilip i stap longpela taim pinis.

Ol lida bilong yumi noken abrus.

Long gavman haus

Insait long dispela krosipait long husat tru em i praim minista, olgeta opis bilong ol han bilong gavman, we i stap bilong givim independen luksave na pasin, i wok long bungim hevi.

Gavman Haus, na opis bilong gavana jeneral tu, em nau i wok long wankain.

Gavana Jeneral Sir Michael Ogio i stap aut long kantri, na long dispela taim, spika bilong palamen, Jeffrey Nape, man husat i bin go pas long wok bilong kamapim senis bilong gavman long mun Ogas las yia, nau i sindaun olsem eking gavana jeneral.

Dispela wik, Sir Michael Ogio i no bin laik sainim pepa long luksave long Sir Michael Somare olsem praim minista. Na bihain long aste, Nape, olsem eking GG, i no bin

sainim kwik luksave bilong Peter O'Neill olsem nupela praim minista, palamen i votim.

Long ol taim olsem, i luk olsem as tru bilong mekim wok insait long ol bikpela opis, i save pundaun long han bilong man i sindaun long ol dispela opis.

Long Gavman Haus, Jeffrey Nape i nau bosim wok bilong tok oraitim planti samting long gavman na kantri.

Em i noken yusim dispela posisen bilong pilai na paulim nabaut ol stretpela wok pasin i stap pinis.

Na em i noken pilai politiks long 'bekim dinau'.

PNG palamen vot i no bihainim loa

WANPELA mansave bilong loa i tok pasin bilong Palamen i holim miting long dispela wik i no bihainim ol loa bilong Westminster sistem bilong gavman.

Profesa John Nonggor, i tok olgeta samting em palamen i bin mekim long stat yet, taim Peter O'Neill i bin kisim wok long Sir Michael Somare, long mun Ogas, 2011, i bin brukim mama loa bilong kantri.

Dokta Nonggor i tok pasin bilong bringim bek ol memba, pastaim long ol i

go long Palamen bihain long gavana jeneral i bin givimaut pinis ol rit pepa, i no bihainim ol loa bilong palamen yet.

Gavana Jeneral Sir Michael Ogio i bin isium ol rit pepa long Me 18, long Mosbi.

Dokta Nonggor, husat i bin wok bipo olsem wanpela loa profesa long Yuni-versiti bilong PNG, na nau, em bai resis long wanpela sia long Westen Hailans long ileksen i kamap long mun bihain.

Australia Difens halivim long karim ol polis na soldia long ileksen wok

AUSTRALIA Difens Fos bai go pas long karim ol polisman na difens fos soldia bilong PNG long ol ileksen wok operesen bilong ol.

Moa long 300 PNGDF soldia bai kalap long tupela RAF C130 Hercules balus bilong Australia difens fos, aninit long Operesen Cathedral, em halivim bilong Australia long wok ileksen bilong PNG.

ADF balus bai karim wanpela lain ol soldia i go long Lae. Wanpela kampani bai kam long 1st

Batalion long Mosbi, na wanpela kampani bai kam long 2nd Batalion long Wewak.

Las wik Fonde, ol ADF balus i bin karim 47-pela memba bilong Join Tas Fos Hetkwota bilong PNGDF long Mosbi i go antap long Hailans lleksen Senta long Hagen.

Dispela wik Sarere, bai tupela Hercules balus bai kam bek long karim 295 Mobail Skwat polisman long Mosbi i go aut long Hagen.

WANTOK

Published Weekly, Thursday, for
Word Publishing Company, Ltd.
P.O. Box 1982, Boroko, NCD
Papua New Guinea

Telephone: (675) 325 2500

Fax: (675) 325 2579

Email: editorial@wantok.com.pg

Pe bilong wanpela yia
52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager
Elizabeth Konga

Editor
Neville Choi

Published at
Section 58, Allotment 3
Published at
Portion 445, Kanage Street,
Six Mile NCD

Word Publishing Company Limited is owned by the four major churches of Papua New Guinea - Catholic 55%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general term acceptance are available at Word Publishing Company Ltd and are set out full on the display advertising form.



TOK PISIN NEWS

from Radio Australia

radioaustralia.net.au

Harim TOK PISIN long Radio Australia

101.9FM

Port Moresby

Tok Pisin Service	
6am - 7am	6080; 7240(KHZ)
7pm - 9pm	5995; 6020; 9710; 1280(KHZ)

Ol i sasim namba tu PNG jas

POLIS long Papua Niugini i tok ol i sasim pinis wanpela sinia jas bilong wok agensim gavman.

PNG niusman Liam Fox i ripot olsem polis i bin toktok wantaim Jastis Nicholas Kirriwom long wanpela awa insait long wanpela kot-rum long bilding bilong Suprim Kot, we ol i sasim em long agensim gavman.

Em nau i stap long beil na ol i bilip em bai go long kot long tumora moning.

Sas bilong en i wankain olsem ol i sasim Jastis Sir Salamo Injia long en long las wik Fonde.

Gavman bilong Peter O'Neill i bin mekim dispela ol komplem i go long ol jas long i go agensim gavman na sasim ol long dispela sas bilong sedisen.

Ol jas bilong Suprim Kot i putim kot disisen olsem Mista O'Neill i no trupela praim minista bilong PNG, na gavman i tok dispela disisen bilong ol i wansait.

Long nau yet, Australia Foren Minista Bob Carr i tok em i bilip ileksen bilong PNG bai go het yet long neks wik, tru i gat wanpela stet ov imejensi insait long tripela provins.

Long Fraide, gavman i bin tok dispela ol 'imejensi pawa' i mas kamap long daunim ol trabel.

Seneta Carr, i tok em i bilip nesenel ileksen bai go het yet long taim stret.

"Mi bilip ol ileksen bai go het. Olgeta samting mipela i lukim i tok olsem, na mi ting em i gutpela samting," Seneta Carr i tok.

"Dispela bai givim mipela bilip. Sapos PNG i kamapim dispela ileksen, wanpela fri na fea ileksen namtl long Jun 23 na Julai 6, em bai bikipela samting bilong ol, tasol wanpela tok-save i go aut long wol olsem hia em i wanpela diveloping kantri, na em i ken kamapim gut ol wok ileksen bilong em."

Seneta Car i tok Papua Niugini i gat wanpela sans long soim ol kantri bilong wol olsem ol i ken mekiom wok olsem wanpela diveloping kantri.

"Na i soim olsem ol ileksen nau em i rot bilong givim pawa, luksave na stretim olgeta kain kropsait nabaut mipela i lukim. Na mi bilip long bihain long ilek-

sen, pait wantaim ol jas i stret, bihainim gutpela na stretpela pasin," em i tok.

Plantitausen PNG pipelimas agensim korapsen

EKSEKETIV Dairekta bilong Institut ov Nesenel Afes long Papua Niugini i tok ol pipel bilong kantri i les pinis long ol korap lida na ol i laikim ileksen long kamap kwik bai ol i ken vout na makim ol nupela pipel em ol i ting bai no inap yusim nating mani bilong pablik.

Paul Barker i mekim dispela toktok bihain long plantitausen pipel i bung na holim wanpela bikipela mas agensim korapsen long Pot Mosbi na planti ol narapela senta long kantri.

Lain bilong Transparensi Intanesenel PNG, i bin go pas long dispela mas, we ol pipel i bin tokaut na singaut olsem ol i les pinis long ol i no save kisim ol gutpela sevis olsem long helt an skul na planti ol narapela sevis olsem.

Dispela mas agnesim korapsen i kamap long Sande, sampela de bihain tasol long ol palamen memba i bin vout long putim wanpela stet ov imejensi long Pot Mosbi long Fraide.

Paul Barker i tok ol pipel i no laikim dispela kain korapsen em ol lida i save mekim.

Famili bilong ol PNG saintis i singautim gen halivim bilong gavman

FAMILI bilong faivpela Papua Niugini saintis, husat i bin go lus stat yet long namba wan de bilong mun Ogas las yia, i askim gen halivim bilong gavman.

Ol i askim Gavman bihainim tok-promis bilong en long redim mani bilong statim gen ol wok painim i go insait long we ol i bin go lus.

Dispela 5-pela Saintis i bin go lus long taim ol i bin go wokim wanpela malaria risets wok long Wes Nu Briten provins long 2011.

Mausmeri i sanap makim ol famili, Maso Raka Oakiva, i tok gavman nau i wok long tingting tumas long wok politiks, na i lus tingting olgeta long ol saintis bilong kantri i bin go lus klostu long wanpela yia nau.

Yangpela susa bilong Maso Oakiva, Tania, i bin wanpela long ol dispela faivpela saintis i lus.

Mis Oakiva i tok strongpela bilip bilong ol famili memba i olsem, sampela lain i mas save long wanem samting i bin kamap long ol, na i laikim gavman i mas redim mani na statim gen ol nupela wok painim.

Japan i promisim \$500 milian bilong Pasifik

JAPAN i tok promis pinis long givim samting olsem \$500 milian olsem halivim i go long ol Pasifik Ailan kantri.

Japan i bin tokaut long dispela long wanpela miting wantaim ol Pasifik Ailan lida long Japan.

Dispela tok promis long givim eid long ol Pasifik kantri i kamap long wankain taim em Saina i wok long soim strong long ol wok difens bilong en long ol solwara long rijen.

Ol lida bilong 16-pela Pasifik kantri i bin bungim ol lida bilong Japan long Okinawa Ailan, we ol i bin sainim wanpela tok orait na tokaut gen long bikipela bilong ol kantri long wol i mas luksave long ol loa bilong solwara.

Ol dispela lida i bin tokaut long bikipela wok bilong strongim ol wokbung bilong ol long lukautim ol solwara bilong ol long ol kain samting olsem, envairomen, ol wok sekyuriti long ol solwara, na tu, long ol wok lukautim bilong solwara.

Dispela grup em i karamapim tu Australia na Nu Silan, i mekim dispela toktok long wankain taim em Saina i wok long strongim ol toktok olsem em i papa long sampela hap graun em i stap klostu long ol solwara na nambis bilong bikiples Saina.

Long dispela taim, Saina i gat ol bikipela belhevi wantaim Filipins long wanpela hap solwara em i stap olsem hap bilong Filipins, tasol Saina i wok long tok olsem dispela solwara em bilong en, na dispela i stopim ol wok tred namel long Saina na Filipins.

Japan tu i gat ol kros wantaim Saina long sampela ailan bilong Japan, em ol i kolim ol long Senkaku ailans, em Saina i save kolim Diaoyu, ol i save

olsem ol dispela ailan i pulap tru long pis, na tu, em i gat planti mineral aninit long graun bilong solwara.

Fiji, husat i memba bilong Pasifik Ailans Forum, i no bin stap long dispela Japan miting, long wanem Japan i bin tok olsem ol i no bin askim Interim Praim Minista, Voreqe Bainimarama long wanem em i wok long isi isi tumas long bringim bek demokrasi long kantri bilong em.

Australia na Frensi halivim Solomon Ailans long reskim ol pasindia

AUSTRALIA Efes i halivim long kisim 49 ol pasindia bilong wanpela sip em i bin kapsait na go insait long solwara.

Gavman i bin stat long painim dispela sip MV Solfish 001, long Trinde, bihain long em i no bin kamap long sip-bris bilong em long Lata, biktaun bilong Temotu provins.

Lain bilong Royal Australia Efes, wantaim lain bilong Frensi Nevi, em ol i save stap long Nu Kaledonia, na Royal Solomon Ailans Polis i bin go raunim samting olsem 6,000 skwe kilomit long solwara long painim dispela sip.

Wanpela balus bilong Royal Australia Efes i bin lukim sampela pasindia husat i bin wok long drip long solwara long ol laip-raf, na wanpela sip bilong narapela kantri i bin go na kisim ol.

Dispela sip i bin bringim ol i go long Kirakira haus sik long Makira provins, we ol i bin stap long wanpela de na bihain, olgeta i bin go bek long Honiara.

Strit soka i halivim ol yangpela bilong Is Timor

OL PIPEL i redim Strit Soka tonamen i tok ol i laik givim sans long ol yut long narapela sait bilong laip na maski long spak-brus, drag na pasin pait.

Dispela strit soka i bin kamap ausait long Is Timo Gavman Pales long Sarere, we Praim Minista Xanana Gusmao i bin kamap tu long en.

Tonamen Masta ov Seremonis, Onia Sousa Fernandes i tok ol yut bilong kantri long planti yia, i pilim

olsem ol i nogat ples long kantri.

"I gat planti yangpela pipel, i nogat wok. Ol i nogat samting ol i ken mekim long stap amamas," em i tokim Radio Australia.

"Olsem na dispela kain spot, na kain tonamen olsem, em i gutpela long mekim, bai ol i lus tingting long sindaun nogut."

Em i tok dispela we, ol i stap insait long spot olsem Strit Soka, i halivim ol long lukluk long narapela we long kisim gutpela laip na sindaun.

"I no olsem ol i save laik mekim ol hevi, tasol taim ol i laik stap nating, ol bai stat dring, na ol bai kisim dispela tingting long spak na kamapim hevi."

Is Timor i bungim planti trabel, tasol senis i wok long kamap long wok politiks.

Strit Soka kosa, Gally Araujo, i tok em i lukim long ai bilong en, long senis ol yut i bungim insait long kain pilai spot olsem

"Sampela yia i go pinis, sapos mi bin askim ol sapos ol i laik stap insait kain samting olsem, ating bai ol i no inap, bikos politikal sindaun long dispela taim, i no bin gutpela long mekim ol i bilip, olsem kain samting olsem i ken kamap trutru," em i tok.

Australia i mas lukluk gen long wokbung wantaim ol Pasifik kantri

EKSEKETIV Dairekta bilong Pacific Institute of Public Policy long Vanuatu, Derek Brien i tok Australia na ol kantri bilong Pasifik i mas lukluk long ol wokpren ausait long eid tu.

Dispela toktok i kamap bihainim ol hevi em i stap namel long Australia na Vanuatu, long pasin em Vanuatu i bin mekim long rausim ol Australia Federal Polis long Vanuatu tupela wik i go pinis.

Vanuatu i bin rausim ol AFP opisa long ol toktok olsem Australia i no bin rispektim Vanuatu Praim Minista Sato Kilman taim em i bin stap long Sidni ples balus long mun i go pinis.

Derek Brien, husat i go long Pasifik Institut ov Pablik Polisi long Port Vila, i tok pasin em Australia i save mekim long Pasifik rijen, i no stret.

Pacific BEAT

4. 5. 6am & 4pm. 5pm including sport

Listen to Radio Australia
101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



Ol famili tingim ol turangu i lus long Doha neseri paia

OL flawa, tois na kendol em ol manmeri i kam lusim long soim belsori bilong ol long Doha, Nu Silan, we tripela bebi i bin stap namel long 19-pela arapela i bin dai taim bikpela paia i kukim wanpela bikpela soping senta long Tunde dispela wik.



WOLNIUS LONG POTO..

Bob Dylan kisim medal ov fridom BIKNEM musik man long Amerika, Bob Dylan, i kisim pinis wanpela Presidensal Medal ov Fridom. Presiden bilong Amerika, Barack Obama i bin givim Dylan dispela medal long wanpela seremoni long East Rum bilong Wait Haus long Washington long Tunde dispela wik.



Guria bagarapim

PIKSA i soim wanpela tawa i bin pundaun long Tunde, bihain long guria i seksekim San Felice sul Pannaro, long not-is bilong Itali.



Ol reskiu wokman sekim bagarap bilong guria

OL reskiu wokman i wok sekim wanpela biling i bruk long bikpela guria i kamap long ples Medolla long Itali long Tunde.



Polis was long embasi bilong Syria

WANPELA polisman i wokabaut na was long embasi bilong Syria long London. Ausait long embasi, ol protesta i lusim ol bikpela piksa sain olsem. Sevenpela westen gavman i bin rausim ol diplomat opisa bilong Syria long ol biktaun bilong ol. Ol i mekim olsem long daunim wok na pasin pait bilong gavman bilong Bashar al-Assad, husat i go pas long kilim moa long 100 manmeri long wanpela taun long Syria.



Suu Kyi mekim namba wan raun


OPOSISEN Lida bilong Bema (Burma), Aung San Suu Kyi i smail na tok halo long ol manmeri taim em i lusim ples balus haus bihain long em i kamap bek long Bangkok, Tailen long Tunde dispela wok. Em i bin kamap bek long namba wan raun bilong em lusim Burma insait long 24 krismas olgeta.

VOT BILONG YU EM PAWA!

**Lida i no Makim
mipela...**

**Vot stret,
save gut
long ol
kendidet
bilong yu**

**Mipela i makim
Lida!**



Sarere belo cruz – Host: Tuluvan Vitz
1pm – 2pm – Sarere Belo Taim Dedikesen
2:00pm NIUS – YUMIFM Nius Santa
2pm – 6pm – Sarere Avinun Cruz
6:00pm NIUS – YUMIFM Nius Santa
6pm – 00:00am – Nait beat
7pm – 9pm – Coca Cola Garamut
9pm – 00:00am – Nait cruz
00:00am – 6am – Brukim Tulait Show
Wiken - Sandei
6am – 10am – Wiken Sanrais / Sandei Monin
wokabout Musik
– Monin Treks
10am – 12noon NIUS – YUMIFM Nius Santa
12noon – 12 – Sandei Belo Taim Musik
2:00pm NIUS – YUMIFM Nius Santa
2pm – 6pm – Sandei Avinun Drav Music
6pm – Nius – YUMIFM Nius Santa
6pm – 8pm – GOSPEL REKWES AUA
8pm – 00:00am – Late Nait Cruz – Poroman Aua
00:00am – 6am – Brukim Tulait Show
Program Director – YUMIFM – Kasty

Nicky Bernard i raitim

BIKNEM musik grup bilong Rabaul na Pot Mosbi, Quakes i kam bek gen wantaim nupela albam bilong ol. Bihain long 10-pela yia ol stap aut long musik bilong ol. Dispela yia olgeta memba bilong kam bung gen na kamapim dispela nupela albam kolim long 'KEAO'.

Long dispela wiken, ol bai lonsim dispela nupela albam bilong long Pot Mosbi kantri Klab, na dispela bai pulim planti manmeri husat save bihain Quakes long taim bipo.

Patti Potts Doi na Kabu Rita bai go pas long ol wantaim ol olupela pes olsem Neil John, James Gamo na Anthony Taul bai tanim nek bilong ol go kam.

Dispela ben planti ol manmeri bilong bipo save laikim stret staol musik na singsing bilong ol, planti long ol olupela singsing bilong ol bilong albam bipo i wok long pairap yet long sampela redio stesen long PNG.

Sapos yu stap long Mosbi, em sans bilong long go lukim ol pilai laiv. K50 long kisim yu



93.5FM
YUMIFM

National Weekly Hit Parade:

Produced & Host by: Kasty

Statistics: Talaiga Sophie & Poroman Crew

Week Ending: Saturday – 28th April 2012

Week Before	Last Week	This Week	Charting Song:	Artist:
3	3	1	Black Baby Lewa	Chris Stone ft Nathan Nakikua & Brenda Bones
1	1(6)	2	Sarefaina	Garry Vailbua ft Jagggy
2	2(6)	3	B.K	Unique ft Jay Rossou
4	4	4	Satisfy	Sibela Band ft Vanessa Potul
5	5	5(4)	Old Muta Medley	Garry Vailbua
6	6	6	Why ya luvim mi go	B-Rad
7	7	7	Mr found love	Jokema
13	10	8	Fallen Angel	Waleos of Pangia
8	8	9	My People	Jah'varnz ft P-Naka
18	17	10	Eme bog moraka	Butak
11	11	11(4)	Angie Girl	Logic Crew ft Isaac Yama
9	9	12	Fetus Nakutua	Tevava ft Gravity / James Stone
15	14	13	Mi laikim ya stap	Iden-tical
17	15	14	Lewa	Idea-tical ft Webster & Mickey
10	12	15	Orchid V-Las	Leonard Kania
12	13	16	Lewa	Kims Maie ft Channel X Crew
0	18	17	Walpa Beai	Hayson Agenta
0	19	18	Dizz	Rodney Fukagiu ft Delma Minal
0	0	19	Sentex Mori	Strive
16	20	20	Hidden Valley	Butak
	Song	In:	Sentex Mori	Strive
		Out:	Klori	Reggie ft Twin Tribe

<u>FONDE 31 Me, 2012</u>					
5:00 AM G JOYCE MEYER.	9.00 PM G SOCCER EXTRA	4:30PM – KITCHEN WHIZ	7:30 PM G NRL ROUND 11	4:00 PM G NRL ROUND 11	
5:30 AM G TODAY	9.08 PM G HOT SPOT	4:57 PM G EMTV TOKSAVE	Cowboys vs. Panthers	Dragons vs. Rabbitohs	
9:00 AM G CLASSROOM BROADCAST	9:30 PM G NRL FOOTY SHOW	5:00 PM G HOT SOURCE	9:30 PM G SUPER 15 RUGBY	6:00 PM G NATIONAL EMTV NEWS	
9:00 – 9:40 GRADE 7 MATHEMATICS	11:00 PM G ELITE MUSIC ZONE	5:30 PM G THE MILLIONAIRE	Highlanders vs. Bulls “Replay”	6:30 PM G MOTU GADODIA	
9:50 – 10:30 GRADE 7 SCIENCE	11.30 PM PGR EMTV NEWS REPLAY	5:57 PM G CRIME STOPPERS	11:30 PM G EMTV NEWS REPLAY	7:00PM G TBA	
10:40 – 11:15 GRADE 8 MATHS	12:30 AM G - Australia Network –	6:00 PM G NATIONAL EMTV NEWS	12:00 PM G TBA	7:30 PM G 60 MINUTES	
11:20 – 12:00 GRADE 8 SCIENCE		7:00 PM G IN MORESBY TONIGHT	1:00 AM G SUPER 15 RUGBY	8:35 PM G PGR CHIT CHAT	
12:00 AM G MIDDAY NEWS UPDATE		7:30 PM G NRL ROUND 11	Cheetahs vs. Sharks “Live”	8:30 PM G ELECTION FOCUS with John Eggins	
12:30 PM G AUSTRALIAN NETWORK		West Tigers vs. Warriors Ch.9	3:00 AM G SUPER 15 RUGBY	9:00 PM G MOVIE – THE IN CROWD	
1PM – 3PM CLASSROOM BROADCASTS continues.....		9:30 PM G SUPER 15 RUGBY	Stormers vs. Waratahs “Live”	11:00 PM G HILLSONG – Repeat	
1:00 – 1:40 GRADE 6 MATHEMATICS		Hurricanes vs. Brumbies		11:30 PM G NEWS REPLAY	
1:50 – 2:30 GRADE 6 SCIENCE		11:30 PM G EMTV NEWS REPLAY		00:35 AM - Australian Network -	
2:30 – 3:00 DEPI		12:30 AM G AUSTRALIAN NETWORK			
3.00 PM G KIDS KONA					
3:00PM – DORA THE EXPLORER					
3:30PM – NEW MACDONALD’S FARM					
4:00PM – THE SHAK					
4:30PM – KITCHEN WHIZ					
4:57 PM G EMTV TOKSAVE					
5:00 PM PGR CIRCUS “A Show of Force” premiers.....					
6:00 PM G NATIONAL EMTV NEWS					
7:00 PM G RAIT MUSIK					
8.00PM G RESOURCE PNG					

TORO



BIABIA



KANAGE



TOKWIN

Blek aut paulim planti lain
BLEK aut long sampela hap long Mosbi long Tunde nait i go inap moning, sampela manmeri long sifi gat wok long bikpela moning long Trinde na taim ol kirap long bet, ol ting olsem lait kam bek pinis.
Planti nogat was na go wok long wanem ples bilong waswas i tudak, sampela ol painim hat long anim klos na putim wanem klos i gut-pela long ai bilong ol.
Wanpela papa tu i paul long soks bilong em na kisim wait skul soks bilong pikinini bilong em, na karim

wantaim su bilong em go long kar, taim em laik putim em painim aut olsem soks bilong pikinini bilong skul. Em putim su nating inap long avinun, em tu i no ring long haus long toksave, em poret long meri bai paia long em.
Tai map bilong ol Memba
DISPELA Fraide, em bai ol-geta memba bilong yumi bai kamap wankain manmeri olsem yumi. Dispela pawa ol gat long en bai pinis long 4-kilok long avinun.
Planti bai go bek long ples bilong ol na grisim ol pipel long ples long makim ol gen long kisim dispela pawa gen. Bipo ol manmeri long ples

save paul long giaman gris toktok bilong ol manmeri husat laik resis long ileksen, tasol nau planti save pinis long giaman toktok bilong ol manmeri husat laik resis.
Dispela ileksen bilong dispela yia, planti bilong ol yangpela manmeri bai resis long en, long wanem dispela bai lukim save bilong ol olpela lain na ol yangpela lain.
Planti bilong yumi nau bai was gut tru long ol mani na ol samting bilong ron long dispela 3-pela wik bilong kepen. Tok nau ol manmeri long rot mekim em, yumi kaikai tasol wanem tingting na wanem manmeriyumi lai makim em rait bilong yumi, em trupela tok.
TOKWIN TASOL

T	A	R	A	G	A	U	B	I	L	O	N	G	N	A	I	T
A	E	J	M	S	I	L	P	E	D	R	C	B	N	A	Y	L
J	K	P	O	I	E	S	E	J	K	U	M	U	L	R	I	P
N	A	U	R	K	A	L	A	N	G	A	R	N	I	O	I	D
F	K	E	S	D	E	P	A	T	M	I	L	E	R	S	O	S
R	A	R	U	K	O	K	O	M	O	R	U	S	I	O	P	K
V	R	I	N	L	T	P	P	I	O	E	A	N	X	K	N	O
G	U	R	I	A	I	A	H	I	E	R	T	S	W	A	L	K
E	K	S	I	U	U	H	R	E	G	I	A	M	N	V	S	I
W	I	W	B	C	J	I	L	A	R	T	P	I	P	I	V	D
S	J	G	P	A	T	O	L	A	G	Z	C	B	T	V	I	P
I	H	J	D	O	N	E	S	F	E	A	U	A	O	I	V	B
A	B	M	K	E	P	R	S	F	R	Y	U	L	I	O	P	U
N	V	T	L	T	R	D	K	A	K	A	T	U	B	N	I	K
A	O	S	I	W	T	F	C	N	L	U	P	S	E	S	O	A
K	F	A	U	A	S	I	A	D	G	J	K	L	P	I	T	O
A	W	E	B	S	U	B	G	N	O	L	I	B	L	U	A	P

Painim ol dispela nem bilong ol pisin:

PISIN	KUMUL	PAUL BILONG BUS	KAKARUK	KAKATU
KOKI	BUKA	KOTKOT	GURIA	SELA
BALUS	PATO	WAITPELA GRAS	TARAGAU	KAVIVI
KOKOMO	KALANGAR	TARAGAU BILONG NAIT KANAI	PIPI	

		3	8			5	7	
5		6						8
4		7	9	2				
	3	9		8	6	2	5	
			2		1			
	6	1	3	5		8	4	
				4	8	1		2
3						6		5
	1	2			3	7		

7	2	8	1	4	3	5	9	6
1	5	9	7	6	8	2	4	3
4	3	6	2	9	5	8	7	1
9	8	4	3	5	7	6	1	2
2	6	5	8	1	9	4	3	7
3	1	7	6	2	4	9	5	8
8	9	2	4	3	1	7	6	5
6	4	3	5	7	2	1	8	9
5	7	1	9	8	6	3	2	4

Ansa bilong las wik Sudoku

K	U	N	A	I	K	A	B	I	S	K	I	A	U	B
T	R	A	I	S	A					O	U			R
S	A					P				K		K		A
A	D					P	O	A		A	O	I	L	U
N	R					I	P	I		O	N	K		I
A						A	O			N		A		Y
N						I	I	K	U	L	A	U	S	R
A						S				P				B
K	O	N	I	P	I	T	P	I	T					
S						K					N		A	A
I						A	N	I	E	N			L	P
N						Y	A	M	B	O			E	K
B	I												K	A
R	P	L	A	U	L	A	U						O	T
I	O													T
P	K	O	P	R	A									
K	A	W	A	W	A	R								

Ansa bilong las wik Pasol

EMTV Television Guide

12:05 PM AUSTRALIAN NETWORK
1PM - 3PM G CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
5:55 PM CRIME STOPPERS
6:00 PM G NATIONAL EMTV NEWS
7:00 PM G NRL ROUND# 10
Panthers vs. Dragons - Live/CH.9
8:57 PM G EMTV TOKSAVE
9:00 PM G TOK PIKSA
9:30 PM G SPORTS SCENE
10:00 PM G SUPER 15 RUGBY

Reds vs. Chiefs "Replay"
12:00 AM G EMTV NEWS REPLAY
1:00 AM AUSTRALIAN NETWORK

TUNDE 5 Jun, 2012

5:00 AM G JOYCE MEYER.
5:30 AM G TODAY
9:00 AM G CLASSROOM BROADCAST
9:00 - 9:40 GRADE 7 MATHEMATICS
9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER

3:30PM - NEW MACDONALD'S FARM
4:00PM - THE SHAK
4:30PM - KITCHEN WHIZ
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
6:00 PM G NATIONAL EMTV NEWS
7:00 PM G HAUS & HOME
7:27 PM G EMTV TOKSAVE
7:30 PM THE VOICE S1
Performances Part 1
9:30 PM G FUNNIEST HOME VIDEO SHOW
10:30 PM EMTV NEWS REPLAY
12:00 PM Australia Network

TRINDE 6 Jun, 2012

5:00 AM G JOYCE MEYER.
5:30 AM G TODAY
9:00 AM GCLASSROOM BROADCAST
9:00 - 9:40 GRADE 7 MATHEMATICS

9:50 - 10:30 GRADE 7 SCIENCE
10:40 - 11:15 GRADE 8 MATHS
11:20 - 12:00 GRADE 8 SCIENCE
12:00 AM G MIDDAY NEWS UPDATE
12:30 PM G AUSTRALIAN NETWORK
1PM - 3PM CLASSROOM BROADCASTS continues.....
1:00 - 1:40 GRADE 6 MATHEMATICS
1:50 - 2:30 GRADE 6 SCIENCE
2:30 - 3:00 DEPI
3:00 PM G KIDS KONA
3:00PM - DORA THE EXPLORER
3:30PM - NEW MACDONALD'S FARM
4:00PM - THE SHAK
4:30PM - MR. MAKER
4:57 PM G EMTV TOKSAVE
5:00 PM G HOT SOURCE
5:30 PM G MILLIONAIRE HOT SEAT
557 PM G CRIME STOPPER
6:00 PM G NATIONAL EMTV NEWS
7:00 PM G THE WORLD AROUND US
- The War Reporter
8:00 PM G ULTIMATE GUINEAS WORLD RECORD

8:30 PM G THE SECRET MILLIONAIRE S1 - EP#6/6
9:30 PM SURVIVOR Returns.....One World
The 24th Edition of the reality series strands 18 castaways on a single Samoan beach, where they are divided into all-male and all-female tribes to vie for the \$1 million top prize.
10:27 PM G EMTV TOKSAVE
10:00 PM G NRL ROUND 10 HIGHLIGHTS
10:30 PM G EMTV NEWS REPLAY
11:30 PM - Australia Network - NEWS REPLAY

Program bai senis long taim bilong en..

Raun wantaim Kanage olgeta wik



NEM: Ludwick Monduk
KRISMAS: 25 (man)
ADRES: C/- Clerance Kombukun, PO Box 302, Kimbe, West New Britain Provins
SAVE LAIKIM: Rit, mekim pani, wok, pilai, harim musik, lukim TV na mekim poroman.

NEM: Monita Raio
KRISMAS: 22 (meri)
ADRES: Lae Ever Green, PO Box 167, Lae Mo-robe Provins
SAVE LAIKIM: Go Lotu, RitimBaibel, pilai gita, singsing, mekim poroman, pilai ol bol gem, wok long gaden, ,wasim ol klos na raitim pas.

NEM: Womie Ben- Efore
KRISMAS: 26 (man)
ADRES: C/- Christ For The Nations, PO Box 1332, Lae, Morobe Provins PNG
SAVE LAIKIM: Lainim tok ples, senisim pre-sen, harim musik, gaden na painim wanpela poromeri long stap wantaim oltaim.

NEM: Aweqwii de Paps
KRISMAS: 24
ADRES: K- Toro Hire Cars, PO Box 111, Vanimo, Sandaun Provins
SAVE LAIKIM: Go Lotu, ritim ol buk o niuspepa na mekim pren.

NEM: Gitfty Ocloo
KRISMAS: 34 (meri)
ADRES: PO Box 35, Agona Nyakrom, Ghana - Phn: 0023354787139
SAVE LAIKIM: Raitim pas, painim wanpela man long maritim na stap wantaim oltaim.

NEM: Shirley Hori
KRISMAS: 18 (meri)
ADRES: Marinumbo Primary School, PO Box 352, Wewak, East Sepik Provins
SAVE LAIKIM: Harimm, danis, kuk, wasim klos, pilai spots, Go Lotu, mekim pani na go swimming

NEM: Sharon Tatapai
KRISMAS: 15 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Go Lotu, lukluk CD na pilai spots.

NEM: Nasain Calvin
KRISMAS: 14 (meri)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Pilai Spots, Go Lotu, Lukim CD na rit planti

NEM: Karl Pewa
KRISMAS: 30 (man)
ADRES: Semoroks Gospel Club, PO Box 3368, Lae, Morobe Provins.
SAVE LAIKIM: Stap wantaim Jisas, Pilaim gospel musik na laikim kristen Lutheran meri o arapela sios meri husat igat strongpela tingting long pilaim musik bilong God.

NEM: Darren Calvin
KRISMAS: 15 (man)
ADRES: Yaraka Memorial School, PO Box 532, Kavieng, New Ireland Provins
SAVE LAIKIM: Lukim CD Pilai Spots na Ridim buk

Nupela pes Kanage
Wanpela taim Kanage igo raun long ailan Karkar long Madang Provins. Kanage go stap long Karkar Kulili maket na tripela yangpela meri Karkar ol i go kolostu tru long Kanage na tok, "Papa yu nupela pes ya!" yu kam we? Kanage tok; mi kam long Lae. Ol tripela meri tok, kam na yumi igo long hauslain bilong mipela. Namel long rot, ol askim Kanage na tok; Papa yu save long koapim kulau o nogat? Kanage tokim ol, Papa bilong mi ino lainim mi long dispela.

Ol tripela meri tok, Papa mipela tok long kokonas kulau na yu kisim narapela tingting ah? Mi man bi-long aburusim ol trabol, ol merit ok yu strongpela man ya! Ol lap indai.. Kanage tok, yupela tok stret long go antap long kokonas kulau bai mi save, ol arapela



tokpisin mi no wanbel na mi ino inap. Ol tripela meri lap bikmaus tumas na tok, " Papa yu rait man stret ya!"

Kombe Pinai Wabag, Enga Provins

Rais i no kuk yet...
KANAGE i stap wantaim meri bi-long em longpela taim nau. Wan-pela apinun, meri bilong Kanage i redim pot kaikai na putim long paia. Meri hariap i go waswas bikos em ples i hot. Em tokim Kanage long was long pot kaikai long paia. Em i go waswas na em lus tingting long kisim sop. Em i go bek long

haus long kisim sop. Em i go antap long kisim sop na lek bilong em i wel na turangu hariap holim sait long haus. Tasol taul i lus. Kanage lukim olsem na em i opim ai na tok, "Aiyo...., rais i no kuk yet na Ox & Palm op pinis...".

Soulist Raiiotzs Madang

Ol skwat!
Salim ol gutpela Kanage tok pilai i kam long:
Kanage Tok Pilai
P.O. Box 1982,
Boroko, NCD
Port Moresby.
Email:
atolire@wantok.com.pg

Mi wari na mi laikim helpim bikos mi wanpela dropout i gat bikpela laik long yunivesiti sumatin

Dia Laipain,
Mi gat wanpela gelpren na em i stap nau long yunivesiti.
Mipela i bin kamap poroman long hai skul na nau yet, mipela i skruim prensip bilong mitupela i go yet. Long hai skul, mipela i save serim ol sikret, ol tingting na mipela i save gut long wanpela narapela. Mipela i bin poroman gut, tasol mipela i no save slip wantaim.

Bihain long hais skul, dispela meri pren i go long nesenel hai skul tasol mi bin kamap wanpela dropout o i nogat sans long skruim skul bilong mi, na mi kamap olsem strit manki.
Taim prenmeri i stap long nesenel hai skul, em save rait i kam long mi na tok em i gat bikpela laik long mi. Planti narapela manki i save laim poromanim em, tasol em no laikim ol.

Mi save olsem em i laikim mi na mitupela i gutpela poroman stret yet. Tasol maski prensip na laik pasin bilong mitupela i stap strong yet, tupela samting i mekim mi i tingting planti.
Em i stap long kolis na mi stap long strit. Na mi ting olsemi no long taim nau bai laip bilong siti i pulim em na em bai lusim mi.

Mipela i no bilong wanpela lotu na mipela i save go long sevis long narapela arapela de. Mi tanim bel na kamap olsem nupela Kristen na em i no wanbel long mi go lotu long Sande. Maski ol kain samting olsem i stap, mitupela i laikim wanpela narapela yet.
Laipain, plis helpim mi.
Mi pren bilong yu i gat wari

Dia Pren,
Tenkyu long rait i kam long Laipain na serim wari bilong yu wantaim mipela.
Mipela i luksave long kain sindaun yu stap long en na tingting bilong yu long gelpren bilong yu. Mipela i luksave long wari yu gat olsem em bai lusim yu bikos long kain sindaun yu stap nau long en. Yu tok meri ya i gat bikpela laik yet



long yu, tasol yu gat wankain laik yet tu long em? Sapos yu gat, yu tokim em dispela tu? Sapos nogat, i moabeta yu tokim em, na tu, raitim pas i go long em na tokim em long bikpela laik yu gat long em. Long dispela rot, bai yu mekim em i tingim yu na laik pasin yutupela i gat, maski em i stap longwe.

Pren, trupela laik pasin em i save weit, gutpela long narapela, stap pas long wanpela patna na pren wantaim ol narapela we bai mekim na bihain painim raitpela wan long maritim.

Pren, trupela laik pasin i nogat banis. Maski yupela i no wanbel long sampela samting, tasol i gat trupela laik pasin, bai prenpasin i sanap strong. i moabeta yu lukim mining bilong tripela wod na dispela em long "love, infatuation na lust". Infatuation i min olsem samtign i pulim man na meri long wanpela narapela na dispela bai kamap "lust" o trupela love o strongpela laik long narapela. Lust i min olsem man i gat strongpela laik long meri long slip wantaim em tasol na i no bikos em i gat trupela laik long em, na wankain long meri i wokim long man.

Long yutupela i kam long tupela narakain lotu, planti lain i gat dispela hevi long wanem, ol i no wanbel long sampela samting long bilip bilong ol, na dispela i save kamapim bagarap long marit bilong ol manmeri.
Planti i no save long mining bilong marit na watpo God i bin kamapim bung wantaim long marit long Gaden bilong Iden, taim em i wokim man na meri. Mipela i bilip olsem sapos pipel i luksave long as tingting watpo Bikman i kamapim marit, bai nogat planti marit i

bruk i kamap long wol tude. Genesis 2:24 long Baibel i tok man i lusim papamama bilong em bikos em na meri i kamap wanpela na em i mas go stap wantaim em. Ol yangpela pipel tude i mas kisim stiatok long ol papamama na long ol lain i givim kaunseling.
Marit i min olsem yuniti na laik pasin namel long tupela pipel, em man na meri. Tupela pipel i kamap klostu long wanpela narapela, na wantaim Bikman. Stap klostu stret i no long slip wantaim tasol, nogat. Tupela i ken kamap gutpela poroman stret na i no slip wantaim.
Sapos yu klia long mining bilong marit, dispela i no nap kamapim hevi bikos yutupela i no kam long wanpela lotu. Dispela em sapos yutupela i tingting long marit.

God yet i kamapim marit long stat bi-long taim long tupela pipel i ken kam bung wantaim na inapim as tingting watpo Bikman i kamapim pasin marit.
Olsem na pren, sapos yu tingting long marit long bihain taim, yu mas gat pasin long stap isi, soim pasin bilong bel sori na helpim narapela, kontrolim yu yet, stap pas wantaim wanpela patna tasol, laik pasin, gat daun pasin na noken gimanim wanpela narapela sapos yutupela i laikim gutpela rilensensip.
I moabeta yu raitim pas i go long poroman bilong yu na tokim em long bikpela laik yu gat long em.
Tenkyu long pas bilong yu i kam long Lifeline.

Pren bilong yu Laipain

Sapos yu gat wari, rait i kam long Lifeline, P O Box 6047, Boroko, NCD. Telipon: 3260011. Raitim trupela nem na etres bilong yu na bai mipela i ken salim bekim long pas bilong yu. Bai mipela i no inap putim trupela nem bilong yu long stori. Laipain

BILIP STAP: Bilip PNG LNG
Projek i soim long busgraun
na wara na laik bilong em
long opim em yet long givim
save long ol arapela i lusim
bikpela stori tru long ol PAU
Environmen Saiens
sumatin.



You Bake with Yubake™

A Unique Opportunity

Do you love cooking?

Do you wish to earn an income, or look after your village baking needs?

If so, we would love for you to become a part of our vision – that every village in PNG enjoys the benefits of a Yubake™ Bush Oven and a certified ‘village baker’.



Yubake™ Bush Ovens are a world first product specifically designed for PNG – it is light enough to be carried, is economical in cost, and bakes a quality product.



BNG Trading Limited is proud to offer the opportunity to participate in a series of one day baking courses at its training facilities in Lae and Port Moresby. The cost of the course is K500.00, with 2 courses of 10 attendees at each location, where participants will be trained to make bread, scones, and sweet bun.

At the end of the course, participants will receive course notes in pidgin and english including baking methods, recipes, course certification as a village baker, and;

- One Yubake™ Bush Oven,
- Two back-packs to carry the lightweight Bush Oven along with starter pack of 1kg Bakery Delights White Bread Mix and yeast, bread tray and a scraper,
- A list of other baking equipment that will need to be purchased such as baking bowls and cooling trays.

You are invited to take part in our competition by forwarding a description, in 25 words or less, of how you intend to use the Yubake™ Bush Oven and the training provided.

As a result of demand, only the best entries will be selected to participate in the scheduled baking courses.



BNG TRADING
COMPANY
LIMITED

Importers and Distributors Since 1924

Please submit your entries (all entries are to include current phone number) to
PO Box 239 Waigani, NCD before 21 June 2012.
Only the best entries will be selected.

Ol envairomen saiens sumatin ai-op long LNG projek

OL envairomen saiens sumatin bilong Pasifik Adventis Yunivesiti (PAU) i bin ai-op tru taim ol i bin raun i go lukim wok long Likwifait Netseral Ges (LNG) plen sait.

Ol namba tri na namba foa yia sumatin i bin stap wanpela de long LNG Plen Sait long strongim save bilong ol long wok bilong skelim hevi i go long busgraun na wara, long ol bikpela risos projek.

32 sumatin na tripela instrakta bilong ol i bin ai-op tru long envairomen infomesen ol i kisim long Projek, we Cal Finley, Envairomen na Regulatori Advaisa bilong Esso Hailans Limited, i bin givim.

“Olsem wanpela sumatin i stadi long wanpela developing kantri, planti taim, mipela inap long stadi tasol long ol buk,” namba tri yia sumatin Moasope McCarthy i tok. “Dispela raun i givim mipela sans long lukim stret ol dispela teknoloji we mipela i save lukim long buk tasol, na intanet. Em i givim mipela sans bilong painim we ol skul mipela i kisim, i ken karim mipela i go long en.”

Elisapesi Manson, Ekting Din bilong Skul ov Saiens na Teknoloji long PAU, i tok-luksave long PNG LNG projek long soim klia olgeta wok em i mekim long busgraun na wara.

OL Lihir papagraun karimaut awenes kempein

LIHIR Maining Eria Lenonas Asosiesen (LMALA) i kariamut wanpela awenes kempein long Lihir bilong skulim ol pipel long ol maining benefit pekej rivyu o wok glasim.

Tim lida, Gabriel Kondiak i tok dispela 10-pela de awenes progem we i bin pinis long las wik Fraide i bilong skulim ol papagraun bilong Lihir LMALA olsem namba tu Intagretet Benefit Pekej (IBP) rivyu wok bai kisim i go insait intres bilong olgeta papagraun.

Ol toktok long namba 2 IBP wok glasim i wok long go het nau.

Mista Kondiak i tok save bilong ol long dispela IBP wok glasim em i wanpela wokabaut bilong lainim i go long wanpela hap.

Em i tok LMALA i bin karim dispela het tok i go insait long Lihir Agrimen wok glasim wantaim Nu Ailan Provinsel Gavman, Nimamar Lokol Level Gavman na stet.

Mista Kondiak husat i go pas long LMALA IBP awenes kempein i tok ol i amamas long ol bekim we ol i kisim long 15-pela wod insait long NLLG ol bin raun i go na lukim na sindaun toktok .

Em i tok awenes progem ya i no wanpela politikel samting, nogat. Em i fokas long long ol wok we LMALA i wokim i sut long IBP wok glasim i wok long kamap nau.

Nupela ILG data beis

I GAT nupela data beis sistem o rot long rejistaim ol Inkoporetet Len Grup (ILG) long dispela kantri.

Ol bin traim nupela data beis long las mun aninit long ol nupela loa bilong ol ILG i bin kamap long Mas 1, 2012.

Rejistra bilong ol ILG, Iruna Rogakila, i tok dispela data beis sistem bai rausim ol dabel rejistresen bilong ol ILG na stopim pipel long rejista long planti ILG, na rejista long wanpela ILG tasol.

Mista Rogakila i tok dispela sistem bai mekim ol wokim ol samting long ples klia wantaim nogat hait pasin taim ol i karimaut ol wok long ol wan wan ILG.

Dispela i karamapim ol wok long ol aplikesen bilong rejistaim olsem ol ILG, ol rekot bilong ol disisen ol i mekim long ol miting bilong wokim ol disisen, konstitusen o mama loa bilong ol ILG, nem bilong ol memba, ol propeti olsem graun, ol maunten, ol wara na mep bilong olgeta kastomeri o tumbuna graun we len grup i papa long en.

Dispela i bihainim hap senis long loa ol i putim i go insait taim ol i kamapim senis long ILG rejistresen Ekt na Volunteri Kastomeri Len Rejistresen (Amenmen) Ekt 2009.

Mista Rogakila i tok sapos ol dispela rekot i no stap, sistem i stap pinis bai

no inap luksave na ino nap long rejistaim ol ILG.

"Mipela i laik tokim ol pipel bilong dispela kantri olsem ejensi bilong go hetim ol rekomendesen o ol ripot bilong ol ILG rifom, mipela i sambai redi long helpim pipel long rejistaim tumbuna graun bilong ol. Na ol mas gat rekot long ol ripot na infomesen long pepa na long kompyuta," Mista Rogakila i tok.

Aninit long len rifom, ILG i wanpela bikpela samting bilong Volunteri Kastomeri Len Rejistresen, na ol i bin wokim senis i go long ILG Ekt 1974.

Dispela ILG Ekt 2009 we ol i bin wokim senis long en i strongim wok long menesim gut ol samting bilong ol ILG na tu, rejistresen bilong ol kastomeri len o graun.

Dipatmen bilong Lens na Fisikel Plening em dispela ejensi we i save eksenim ol rekomendesen i wok nau wantaim Nesenel Len Dvelopmen Progreman na Konstitusenel na Loa Rifom Komisnin (CLRC) long redim lejislesen o loa.

I gat moa long 18,000 ILG i rejista pinis, tasol ol bai kisim ol bek bihain long 5-pela yia taim bilong traim (grace piriet) i pinis long Mas 1, 2017. Ol i laikim ol nupela grup long rejistaim ol ILG bilong ol aninit long rikwaiamen bilong loa ol i senisim long en.



MEKIM WOK...

Ol yangpela mangki bilong Aua Ailan i katim timba wantaim senso long wokim ol haus long ples. Ol i katim strongpela diwai long nambis bilong kisim ol timba.

Poto: Aua Rufu Toi



ILG WOKSOP: Tripel meri i bin sindaun long rijinel ILG woksop, Is Nu Briten we ol lain bilong NGI rijen i sindaun long en. Poto: Dipatmen bilong Lens na Fisikel Plening Media Desk.

BOOK NOW!

2012

HOLY LAND

tours

K9725*

PER PERSON
TWIN SHARE
MINIMUM
GROUP
NUMBER-20

VISIT 2 UNFORGETTABLE DESTINATIONS

ISRAEL & JORDAN

13 NIGHTS / 14 DAYS

***INCLUSIONS:**

Return airfares Port Moresby ~Jordan via Singapore & Colombo, 3 star hotel accommodation, return airport transfers, meals where specified, all tours, coach transportation & fees, English speaking guide, Visa fees & border taxes for Jordan & Israel, airline taxes & surcharges.

MORE NIGHTS, MORE ATTRACTIONS, GREAT VALUE!

> The Sea of Galilee > Nazareth > Garden of Gethsemane > Bethlehem > Jerusalem > Masada
 > Qumran > The Dead Sea > The Jordan River > The Wailing Wall > Garden Tomb > Jordan River

2012 Departure Dates: Ex-POM: 12 July / 9 August / 15 September / 18 October / 15 November

Call toll free on **180 3444** or contact your nearest
Air Niugini Travel Centre or Travel Agent to secure your 'Holy Land' package!

*NB: Price subject to change depending on group size and flight/tour availability. Terms and Conditions apply.



GLASIM RAMU NICO PROJEK



Wanpela Ramu NiCo, Wanpela Komyuniti

Kakao supon-bading helpim prodaksen we Ramu NiCo sapotim

WANPELA agrikalsa fil opisa husat i wok wantaim Ramu NiCo long Kostal Paipain eria long Raikos distrik, long Madang provins nau em gutpela piksa long ol kakao insait long eria bilong en.

Nem bilong dispela man em Daniel Aputa na em i stap klostu long Erima.

Wanpela gutpela rot we Daniel i yusim long stretim na mekim gut kakao gaden bilong blok em taim em i yusim supon-bading. Dispela em wanpela kain rot o teknik we i ken helpim long bringim kamap moa prodaksen na tu i ken helpim ol kakao diwai long karim moa frut na tu fama i ken kisim gutpela mani long kakao bilong em.

Kakao blok bilong Daniel i stap long Erima baksait tasol long Erima praimeri skul. Em i save yusim gaden bilong em olsem model o piksa we ol arapela fama long ol ples klostu o eria we em i save karamapim long mekim wok agrikalsa trening long go na lukim.

Taim ol fama i lukim wanem Daniel i mekim long gaden bilong em ol i ken bringim stori na tu kisim gutpela tingting long go na stretim kakao gaden bilong ol long ples.

Dispela supon-bading em ol fama i ken yusim long ol olupela kakao diwai bilong ol na tu long ol kakao diwai we i no save karim gut na we nogat gutpela menesmen long en.

Ramu NiCo agrikalsa supavaisa, Allan Wahwah, husat i bin wok pastaim wantaim PNG Kakao Kokonati Institiut Limited (PNGCCIL) i tok olsem rot long kamapim supon-bading em long katim hap bilong olgeta kakao brens long diwai kakao na larim ol nupela kuru ol i kolim supon long gro.

"Wanpela gutpela supon o brens em yu ken makim bihain long 3 o 4-pela mun"

Supon-bading i nidim bikipela trening na save na dispela wok i nidim ol lain i save gut long kamapim bading long mekim.

Insait long ol projek eria bilong Ramu NiCo, Agrikalsa seksen bilong Komyuniti Afes Dipatmen i wok long go pas long givim skills trening wantaim ol agrikalsa developmen skills i go long ol fama. Ol famas i no peim wanpela mani long stap insait long kos.

Dispela em hap wok bilong kam-

pani long givim helpim long promotim agrikalsa na sosel na ekonomik developmen long ol eria we i stap wantaim Ramu nikel/kobalt projek.

Daniel i bin planim kakao blok bilong em long 1992, em moa long 17 krismas i go pinis. Insait long dispela taim ol kakao diwai bai i no inap karim kaikai gut na sampela i go lapun na tu planti kisim sik na binatang i bagarapim ol.

Maski olsem Daniel i gat ol sampela arapela rot i stap long yusim olsem katim olgeta kakao diwai i go daun na planim nupela, o katim daun 50-pesen bilong kakao diwai long gaden bilong em na planim ol haibrid kakao em i no yusim ol dispela ol.

Daniel i kamap wantaim tingting long katim hap blong olgeta olupela kakao diwai insait long blok bilong em na larim ol supon brens long stap. Daniel i bihainim dispela rot bikos em i no laik mani em i kisim long kakao i painim hevi na tu em i no laik long katim daun olgeta diwai na dispela givim hevi long bihain. Olsem na em i stap wantaim supon bading.

Taim ol dispela nupela kuru i gro na helti, narapela hap bilong kakao diwai we em i no bin katim bai gro stap yet na sapotim fama long kisim mani inap long taim narapela hap bilong diwai i strong na redi nau long karim.



Daniel Aputa i soim as bilong kakao em i katim long mekim supon-bading



Daniel i sekim ol kakao long gaden bilong em long Erima.



Moa kakao i gro gut long gaden



Ramu NiCo redi long givim

Insait long moa long tupela yia, Ramu NiCo i sanapim pinis malti bilian Kina Ramu Nikel Projek, na nau mipela i redi long komisinim.

Bihain long mipela i kisim olgeta tok orait na stretim ol teknikal wok redi, Ramu NiCo i go het wantaim bikipela wok konstraksen long namba tu hap bilong 2008. I kam inap nau, olgeta bikipela konstraksen wok long Krumbukari main sait na Basamuk rifaineri i pinis, na projek i stap redi long kisim komisin o tok orait long mekim wok. Long wol tu, dispela kain hariap sanapim em i no kamap bipo long wanpela kain bikipela projek olsem, na i daunim olgeta

salens bilong graun na masin bilong mekim wok.

Ol dispela namba i soim klia mak bilong wok mipela i pinisim:

- Moa long 4.5 milian kubik mita bilong graun wok i pinis
- Klostu 195,000 kubik mita simen i silip pinis
- Klostu 48,000 tan stil biding i sanap, hap long ol em ol nupela
- Moa long 2,000 yunit masin i sanap redi
- Moa long 227 kilomita bilong baret na proses paip i silip (antap long 135 kilomita slari paipain)

**Wanpela
Ramu NiCo,
Wanpela
Komyuniti**



TENKYU: Dokta Kefu Ma bilong PNG Paralimpic Komiti kisim sek mani bilong K50, 000 i kam long Lorna McPherson bilong Digicel las wik olsem wanpela sponso bilong ol long tim i go long Olimpik Gems dispela yia. *POTO: Digicel PNG.*



PAITIM: Siaka Pauke bilong bilong PNG Lewas i paitim bal agensim Samoa long wanpela gem bilong ol las wik long Vanuatu. *POTO: CPNG.*



SELEKSEN: PNG pilaia, Brendan Beno i stap insait long AFL tim bilong Pasifik dispela yia. Strongpela gem bilong em long 2011 na long dispela yia i mekim ol i kisim em i go insait long namba wan tim bilong ol pilaia long Pasifik rijen. *POTO: AFL PNG.*



SOIM HAN: David Lembo (lephan) bilong PNG kikkoksing tim i sanap wantaim wanpela sponso bilong tim, David Slape long las wik. *POTO: PNGKBA.*



STRONGPELA MAN: Phillippe Croizon bilong Frens em man husat i swim long solwara long Wutung i go long Indonesa tupela wik i go pinis insait long PNG. *POTO: Andrew Molen.*

TOKSAVE: Salim ol spots dro bilong yu kam long Feks; 325 2579, e-mel;amolen@wantok.com.pg o kam lusim long Wantok Niuspepa opis long Central Waigani, NCD.



NO kar tasol i gat resis gem bilong ol, planti ol arapela masin tu we yumi save lukim olgeta de, i gat wanwan resis bilong ol tu.

Wanpela long ol em motobaik (motor bike). Motobaik em i narapela masin we i ron long rot olsem ol kar we ol manmeri save yusim, tasol i gat ol motobaik we ol i mekim bilong resis insait long ol bikipela gem na tonamen olsem bilong ol kar.

I gat 4-pela kain resis bilong ol motobaik, dispela ol em rot resis (Road Racing), Motokros (Motocross), enduro na kros kantri (Enduro and Cross Country) na trek resis (Track Racing).

I gat ol kain kain resis we i kam aninit long dispela 4-pela kain stail bilong motobaik resis.

Na wanwan long ol dispela kain resis tu i gat wanwan stail motobaik bilong ol yet we inap long stap insait long dispela kain resis na i bihainim tu ol loa bilong gem.

Histri na stail bilong gem

Resis long motobaik em i no nupela samt-ing na i bin stat long 1940's yet.

Wanwan tonamen na wanwan stail bilong resis i gat wanwan taim bilong ol yet we ol i stat long en.

Tasol wol sempionsip resis bilong Gron Pri (Grand Prix) motobaik resis stret i stat long 1949.

Dispela resis i save lukim ol baik wantaim ol tu 4 strok enjin i ron insait long en.

Tasol long 1979 i kam inap long 2001, planti draiva i wok long yusim tu strok enjin bilong wanem em i spit moa long 4 strok.

Dispela i wok long senis gen nau bilong wanem planti lukim gen olsem ol 4 strok enjin i gat moa pawa long ol tu strok enjin. Sampela ol nupela baik tu i gat pawa na spit bilong tupela masin wantaim na i mekim dispela resis i go strong moa yet namel long ol draiva.

Ol biknem kampani bilong mekim ol baik insait long dispela spot em Suzuki, Honda na Yamaha.

Dispela ol baik i stap long taim resis i stat long 1949 yet i kam inap nau na ol baik bilong ol tu i wok long kamap spit na strong moa bihainim save bilong ol long gem tu.

Ol i bin stat wantaim ol 200cc na 500cc enjin wantaim ol tu strok na 4 strok tasol long dispela yia ol i apim i go long 1000cc, insait long dispela sempionsip.

Dispela spot i stat long Amerika na Yurop tasol em i strong tu long Esia we planti ol baik i save kam long en.

Olsem long resis bilong ol kar, ol baik tu i save raunim wanpela hap rot inap long hamas taim ol i makim long en.

Husat i pinis pas i save win.

Sampela taim, husat ol lain i save pinis pas i save kisim poin na bihain long olgeta resis, ol i save bungim poin na makim wina.

Ol arapela kain motobaik resis i gat stail bilong ol yet long makim ol wina bilong ol.

Sampela i save resis long bikipela rot, brukim bus na kalapim maunten long kamap pas long mak na win na sampela i save ron i go daun long wanpela stretpela rot long lukim husat bai kamap pas.

Na sampela i save resis long lukim taim bilong wanwan draiva na husat i spit moa i save win.

Motobaik resis long PNG

I gat laik bilong kamapim motobaik resis long PNG, tasol olsem long resis bilong ol kar, em bai kos bikipela mani tru na planti moa wok i mas kamap bipo long kain samt-ing i ken kamap long hia.

I mas i gat rot na ples bilong resis, kos bilong baim na lukautim ol motobaik bilong resis, kos bilong kisim ol save manmeri bilong kamapim na ronim gem na tu lukautim ol baik taim ol i bagarap, ol draiva na ofisol i mas kisim gutpela trening na eksperiens long stap insait long en na tu i mas i gat ol

sapota na manmeri husat bai laik long lukim dispela gem i kamap.

Kain gem tu i mas i gat planti bikipela sponsa na ol TV kampani long kisim piksa long en bai ol i lukim long ol arapela kantri tu.

Em i bikipela samt-ing.

Tasol i gat sampela bai k resis i kamap long hia pinis long bipo, dispela em long


sait bilong motokros na arapela resis insait long bus wantaim ol baik we i ken ron long ol rot nogut na bus.

Tasol em i kos bikipela mani na i nogat inap sapot long kamapim planti kain resis long PNG olsem na ol i no save kamap moa.

Olsem long ol kar resis, em i ken kamapim planti gutpela samt-ing tu sapos em i kamap long hia.

Moa manmeri bai lainim wok bilong mekim na stretim ol baik, kisim save long kamapim na ronim gem, long ronim baik na tu long planti arapela wok we i save kamap insait long dispela spot.

Em i ken kamap long PNG, tasol planti moa manmeri olsem yu i mas save long dispela kain spot na luksave long gutpela na bikipela bilong en.



HAP HAP: Wanwan hap bilong wanpela resis baik.



TANIM: Spit bilong ol baik i mekim ol i save go daunblo tru taim ol i saitim long kona.



GO DAUN: Sempion bilong Australia, Casey Stoner i redi long tainim wanpela kona.



SPIT: Sampela ol baik insait long wanpela resis.

Pasta kamapim progrem bilong ol yut

Paulus Tali i raitim

PLANTI ol yangpela manmeri save stap insait long kain pasin we i no stret long ol na ol arapela manmeri tu.

Ol i save mekim ol samting olsem sumukim spak brus o mariwana, kisim drak, stil wantaim gan, na arapela.

Long dispela as, Pasta Bob Gideon i kamapim wanpela spots program long rausim ol long dispela ol hevi.

Dispela spots program i kam aninit long ol arapela wok na program bilong Sios tu.

Pasta Gideon, i tok ol yangpela i save kam bung long Kumalu, insait long Bulolo eria

We moa long 17 tim bilong ol manmeri save bung na

pilai soka.

Dispela program i helpim long kamapim planti senis tu long kumalu, Mumeng, Bulolo na Wau.

Pasta i tok, pasin bilong ol yut husat i save pilai soka insait long dispela program, em i bikipela samting.

Em i singaut long ol lida long ol wanwan LLG long Mumeng, Bulolo na Wau long sapotim dispela program.

"Yupela i mas helpim mi long sapotim dispela program bilong wanem em bai helpim ol yut long lusim ol arapela autsait pasin we i ken bagarapim laip bilong ol na bilong yumi tu," Pasta Gideon i tok.

"Bipo, planti bilong ol i save mekim ol dispela kain bikhet pasin tasol nau spots wantaim wok bilong sios i helpim

planti long ol long lusim na senisim laip bilong ol long stap gut," em i tok.

Bihain long tonamen las wik, GMZ i kamap pes, namba 2 em Yankees, 3 em Labune na namba 4 ples i go long Sebenes, insait long resis bilong ol man.

Long ol meri, Sisters i go pas, namba tu ples i go long Sekelas, tri em Gudags na 4 em Labune.

Pasta Gideon i tok ol bai givim trofi bihain long amamasim ol tim husast i win.

Wankain pilaia bai kamap long Boana distrik long Mei 12 i go long 18 we planti ol sios paris long ol klostu ples i salim ol tim bilong ol i go pilai soka, basketbol na volibol.

Man i go pas long dispela tonamen, Tony Kundanga, i tok em i bikipela samting long

ol na ol we ol i bihainim astingting olsem Bulolo i mekim.

"Bipo long pilai, bai mipela i gat ol sios program olsem kem, baibel stadi na ol arapela bipo long ol i pilai na lustingting long ol arapela pasin nabaut," Kundanga i tok.

Em i tok ol bai lukluk long ol gutpela pilaia tu long kisim i go insait long Morobe tim long pilai insait long PNG Gems long Kokopo long Novemba, dispela yia.

Kundanga i tok Boana Distrik tu i laik bai ol yangpela manmeri bilong ol i stap gut na ol i bilip dispela spots na sios progrem bilong ol, we i olsem bilong Kumalu long Bulolo, bai helpim ol gut long lukautim na stretim ol yangpela bilong ol.



BUNG WANTAIM: Ol PNG Kundu pilaia i amamasim nupela sponso ol i kisim long BSP las wik Fonde.

POTO: Andrew Molen.

Sans long makim kantri...

i kam long bek pes..

Bipo long dispela tonamen ol kosa bilong gem i bin go insait long level tu trening bilong International Rugby Board (IRB) long Tunde na Trinde dispela wik.

Trena bilong IRB, Warren Robilliard bilong Australian Rugby Union (ARU), bai go pas long dispela trening wantaim helpim bilong Mark Philips husat i ragbi developmen menesa bilong ARU.

30 kosa olgeta bilong wanwan provins i stap insait long dispela trening na PNGRFU i amamas long ol i soim sapot long kamap long en.

Lam givim laip long PNG

Andrew Molen i raitim

SAPOS wanpela bikipela spots man o meri soim laik long pilai bilong Papua Niugini olsem Adrian Lam i bin mekim, em bai kisim bikipela respek na luksave tru bilong ol manmeri long dispela kantri.

Lam i save pilai nambawan gem bilong PNG, ragbi lig tasol em i no olsem ol arapela ragbi lig na yunion pilaia bilong PNG.

Dispela em bilong wanem, olgeta arapela pilaia bilong ragbi lig na yunion long PNG em ol asples tru bilong PNG.

Lam, em i hap bilong PNG na hap bilong Australia.

Antap long dispela, em i kamap wanpela nambawan hapbek na pilaia insait long NRL resis long Australia.

Gutpela gem bilong em i mekim na ol i kisim em long pilai bilong Kwinslen Maroons long Stet ov Orijin we ol i makim em olsem kepten bilong tim.

Tasol taim ol i askim em



MANGI PNG: Lam i givim laip bilong em long pilai bilong PNG na tu developim ol yangpela spotsmanmeri. POTO: ANDREW MOLEN.

long pilai bilong ol Kangaroos, Lam i tok nogat.

Em i pilai bilong ol PNG Kumuls i go inap em i pinis.

"Mi laikim dispela kantri na ol manmeri bilong dispela kantri na mi bai wokhat yet long helpim em i kamap gut moa.

"Australia i bin askim mi long pilai bilong ol tasol mi tok nogat bilong wanem mi laik

pilai wantaim ol Kumuls," Lam i tok.

Nau em i stap olsem het kosa bilong ol Kumuls na i kamapim tu wanpela ogenaiesen ol i kolim, "Adrian Lam Foundation" we i save helpim long painim ol gutpela pilaia long PNG na salim ol i go stap trening na pilai long Australia.

"Mipela i gat wanpela mangi stap long Australia long dispela progrem bilong mipela nau na mi bai wokhat yet long salim sampela moa i go," em i tok.

Long las wik Sarere, Lam i kisim "Sir John Dawanicura awod" we i save go long ol bikipela manmeri bilong spots husat i save karim nem bilong PNG na mekim gut wok long promotim kantri na tu helpim ol manmeri long ol spots wok bilong ol long hia na ovasis wantaim.

Lam i tok em i givim laip bilong em long helpim spots long PNG kamap gut moa na long wankain taim apim nem bilong kantri olsem wanpela gutpela ples insait long wol tu.

SPOT RAUN
WANTAIM
Scott Vavine, ML



Wok bilong redim ol etlit em i mas namba wan

OL wok redi bilong yumi long holim 15 Pasifik Gems long hia long 2015 i stap baksait tru tasol yumi mas tingim olsem namba wan samting yumi mas lukluk long en nau em long redim gut ol etlit bilong yumi long stap insait long dispela bikipela gem.

Etletiks, weiltlifting na swimming em ol spot we i soim gutpela wok long salim ol pilaia bilong ol i go stap na trening na pilai long ovasis tasol ol arapela spot i no mekim wanpela samting olsem yet long redim gut ol etlit bilong ol.

Dispela i no gutpela na bai mekim ol samting i hat long ol yet taim gem i kamap.

Wanwan spots Federesen i mas lukluk na stretim ol yet na i go het long mekim ol wok redi bilong ol hariap.

Ol i ken kisim helpim bilong PNG Sports Foundation (PNGSF) na PNG Sports Federation and Olympic Committee (PNGSFOC).

Nau taim mi wok long raitim dispela hap tok i stap, ol wanwan spots federesen i redim ol trening plen bilong ol na i wetim tasol mani long mekim wok bilong ol i kamap.

PNGSF na PNGSFOC bai gat mani long helpim ol i kamapim wok long dispela ol plen bilong ol aninit long "Grassroots to Gold" program bilong ol.

Na taim ol i kisim dispela mani, em i mas i go long wok bilong painim ol gutpela pilaia, trening na kompetisen.

Ol i mas save tu long ol pilai graun na gutpela ples bilong ol long pilai na trening.

Wanpela samting mi lukim insait long laip bilong mi long spots em olsem, ol pilaia i save kamap gut stret na i luksave long olgeta strong na save bilong ol long pilai taim ol i kisim gutpela trening aninit long was bilong ol nambawan trena na kosa long wol.

Dispela kain trening em ol etletiks, swimming na weiltlifting i givim nau long ol pilaia bilong ol.

Yu tu bai luksave olsem ol i pilai gut moa taim yu lukim ol i resis bihain long ol i kisim dispela kain intanesenel trening.

Kain trening na wok redi e mol samting yumi mas lukluk long en nau bipo long Gem i kamap long hia.

1991 Saut Pasifik Gems em i gutpela piksa long ol gutpela wok redi we i kamap bipo na ol wanwan spots Federesen i mas lukluk bek long dispela na mekim wankain.

Mi gat bilip olsem olgeta pilaia i mas kisim gutpela trening long ovasis sampela taim.

Em bai helpim ol long redi gut na tu ol bai pilai gut moa long gem bilong ol.

Yumi olgeta i lukim gutpela mak ol pilaia bilong yumi soim bihain long ol i go stap na trening gut long ovasis.

Bai yumi stretim ol plen bilong yumi olsem wanem long lukim em i karim gutpela kaikai?

Ol nesenel spots federesen bilong yumi tasol i ken bekim dispela askim.

Ol bai gat save na bikipela plen long helpim ol arapela liklik spots federesen long kamapim na bihain gut ol wanwan plen bilong ol yet tu.

Namba wan samting olgeta spots i mas mekim nau em long go aut na painim ol gutpela spots manmeri we ol i ken trenim na redim ol bilong bihain taim.

Ol arapela pilaia husat i stap pinis long trening na pilai, ken wok hat long redim na stretim ol yet tu tasol ol spot i mas wokhat long painim planti moa long kisim ples bilong ol olpela pilaia taim ol i pinis long pilai.

Planti ol spots federesen i nogat dispela progrem i stap na ol bai painim hat long kisim ol nupela pilai long go insait long ol developmen progrem bilong ol.

Taim yu painim ol pilaia pinis, ol arapela wok bilong helpim ol i kamap gut, bai bihainim na ron gut tasol.

Planti trening na pilai long ovasis em i nambawan rot long redim ol pilai gut na yumi bai kisim planti gutpela samting long en tu sapos yumi bihainim ol toktok bilong yumi na putim mani bilong yumi go insait long en.

NEW PREMIUM TUNA

DIANA



PROUDLY PNG MADE



PLANTI long ol ragbi sevens pilaia bilong Papua Niugini bai gat sans long go insait long Nesenel Ragbi Sevens tim taim ol i pilai long PNG Rugby Football Union (PNGRFU) Nesenel Provinsol Sempionsip dispela Fraide na Sarere long Lae.

Jenerel Menesa bilong PNG Ragbi, Simon Ker, i tok dispela tonamen bai givim ol pilaia long wanwan provins long soim save na stail bilong ol long pilai.

Em i tok ol i laik makim wanpela tim bilong makim PNG long Osenia sevens resis we bai kamap long Australia long pinis bilong Ogas dispela yia, na ol bai lukluk long ol pilaia long tonamen dispela wiken.

"Mipela bai lukluk long ol pilaia we mipela i ken trenim na redim ol bilong bihain taim tu," Ker i tok.

PNGRFU i kisim sapot bilong Coca Cola Amatil (CCA) olsem mama sponso bilong dispela

tonamen.

"Kain sapot bilong Coca Cola i helpim long kamapim dispela kain tonamen bilong ol provins long kam na soim ol pilaia bilong ol," Ker i tok.

Nesenel Marketing Menesa bilong CCA. Louise Maher i tok Coca Cola i wanpela strongpela sapot bilong ragbi long PNG long planti ol gem na developmen program we i kamap planti yia pinis nau.

"Mipela i lukluk tasol long givim dispela sapot long planti moa yia i kam," em i tok.

Tonamen bai stat long Fraide, Jun 1st na pinis wantaim ol fainol long Sarere, Jun 2nd long avinun.

Moa long Pes 35

BIKPELA GEM: Sans bilong ol pilaia long winim ples insait long PNG tim.

Soim sevens stail

Sans long
makim kantri

CARPENTERS MOTORS

Introdusim



- ◆ SETIFAIID KILOMITAS
- ◆ 6 PELA MUN FRI SEVIS
- ◆ 6 PELA MUN ENSIN WARANTI
- ◆ SEFTI STIKA INSPEKSEN FRI LONG TAIM YU KISIM KAR (Inspeksen tasol)
- ◆ 10% DISCAUNT LONG OL PARTS NA LEIBA *Kondisens bai aplai
- ◆ OL SAVE TEKNISEN BAI SEVISIM KAR BILONG YU
- ◆ IGAT 20 POINT MEKENIKOL SEK

● Nambawan Expiriens ● Hamamas long Kisim ● Tru long Yumi

9.9% FAINANS long ol DIAMOND CLASS VEHICLES *Kondisens bai aplai!

Tel: 311 2233 | Fax: 311 2440 | Email: info@carpentersmotors.com | Website: www.carpentersmotors.com